

粵
西
叢
載

清
汪
森
編

第
四
冊

進
步
書
局
校
印



清 汪森編

僧惠能

惠能禪師。唐武則天朝。說法講經於永寧州南雙瑞嶺。永福知縣至永寧。叩其行止。答曰。僧修於此。不知花甲。但覺時寒時暑。草木盛而後衰。惟記入山之年。乃某年某月也。縣官數其歲次。已四十年矣。武后徵召不赴。後往曹溪。世稱六祖。通志

白鹿禪師

白鹿禪師。桂人。姓張。名元康。襁褓已能合掌。趺坐。長祝髮龍泉寺。嘗歸省親。登陽龍山頂樂之。自號陽龍野人。延和間。住京兆大興寺。開元初。明皇幸安國寺。召利涉法師修經。時繼從雲集。赦內侍諭衆。有明上乘者。闡揚無隱。師前奏曰。臣願演玄旨。命與利涉對問。旨意詳明。明皇嘉歎。賜住持安國寺。明年。駕復幸。時集沙門凡五百人。以外國所貢白鹿示之。鹿到師前。跪伏。遂以鹿賜之。號白鹿大師。開元末。馬嵬。復居陽龍大興佛刹。名其寺曰白鹿。桂林府志

全真

寂照大師。俗姓周。名全真。郴州人。幼有神悟。七歲就外傳。授書命讀。師問。傳這是甚麼。傳未即答。師曰。天以此高覆地。以此厚載人。以此成聖賢。豈空空叫我讀來。識此之乎者也。便了。傳訝曰。非常兒也。年十六。詣郴州城北開元寺。剃落受戒。杖策至吳。徑山。參道欽禪師。數載得安樂法。徑山稱曰。有物先天地。無形本寂寥。能為萬象主。不逐四時周。吾知汝所到矣。天寶戊子冬。徑山奉上召游京師。師隨侍。帝御朝元閣。羽士有史華者。希尊寵。奏與釋氏角法華於東門。觀架刀為梯。登躡而上。如履磴道。師亦於本寺庭樹間為梯。較東門增高百尺。鋒刃鋷白如霜。師跣足躍身上。下若踏平地。以至沐浴浴烈。鐵餐鐵嚼釘為戲。了無難色。羽流駭汗。掩袂而走。帝大嘉悅。尋送山。拜辭徑山之羅浮國。徑山曰。子緣在南荒。試溯湘游。師旋郴省母。及里門。鄰妣呼其乳名。師笑謝曰。得道不歸程。歸程覺有情。江邊逢老嫗。呼我舊時名。入見母。殺雞為秦食。師不忍却。盡噉之。母食其一。跣師食竟。趨至江潭。出腸洗之。有獨足雞。浮水面焉。郴人建刹香山留師。師結靜室牛嶺下。初周源山有怪人。網人而食。師至其家。其母請避。無何怪人歸。輒舉網向師。師以袈裟覆之。怪人伏不能起。哀求歸。嚮師摩頂。長其喙。怪人竟從為侍者。師過衡山雁峰寺。寺僧不容止宿。師曰。既不止。

宿可借行僮。眾唾之曰：行僮難覓。要泥塑金剛。吾當奉送。師曰：不難。以手指其一。偈曰：摩尼瓦礫混塵埃。多眼何曾識得來。昨日西方音信至。彌陀不在九蓮臺。倏然金剛倒地。一健僮荷簦從師而去。眾大訝追之。及渡。跪泣曰：肉眼不識活佛。願留回寺。師曰：五百年後。吾當歸雁峰。爾至德元載。至湘源。得湘山筍布臺。因卓錫焉。高僧從者甚眾。太和八年。久有詔沙汰天下僧尼。師已豫知之。師一夕頂生肉髻。鬚髮併長。製衣曰：無量衣冠曰真空冠。入覆金山。結茅隱焉。宣宗即位。有詔除苛禁。復浮屠。湘源之父老子弟苦旱三年矣。眾入覆金迎師出山。師擲錫東飛。正行間。甘澍踵之。連雨三日。四郊沾足。居城西淨土院。自此不易衣冠。不剃髭髮。自號無量壽主人。大中庚午夏。韋宙守永州。辦齋供佛。檄邑令促輿夫。走近師。師云：吾當自住。豈可以方外老人勞郵傳邪。使返命。途未及半。師已至。至則四門各見其一。守出郊迎。惟見其一。咸通八年丁亥二月十日。謂弟子曰：無色界天請吾說法。是夕坐化。時年一百六十有六。越八日。真相如坐。隨卜於筓布臺下。建院迎龕入焉。又踰二七日。夜頂放白毫。相光十一道。光中現十有一佛。如是者彌月。湘人奔走崇奉。有禱輒應。咸通庚寅。劉相公瞻謫驪州。乾符甲午。召還。駐節湘源。望山中紫雲迴翔。光遠有糧。詣院作禮。蠲

鱗一筭。助修浮圖。乾符丙申二月。浮圖成。奉師出籠。歸塔藏之。宋元祐三年。又建今塔。成。歷二百二十有四載。開故塔。奉安佛座。出其真身。色相如故。遂以香泥塗飾。顯坐殿塔之下。元符三年。座生奇花。靈草。席地如繡。州以事聞。詔賜寂照大師。紹興五年。賜塔曰妙明。十四年。加慈佑寂照妙應普惠大師。嘗制法教十二部。每部十二卷。名曰無量經。五代間。經兵火。今存十二卷云。初相源城在院西七里。晉天福丁酉。楚藩馬希範。以法師諱全真。又閱師利益經云。吾於應中見清相毫光輪。因是奏於朝。徙城於縣之東南。陞縣為州。命名曰全。置清湘縣附郭。全州志 湘山志

信天大師

信天大師。桂人。姓胡。名法壽。始出家為頭陀。無他能。惟飲油有施者。雖巨鉢引滿。無苦也。俗呼為喫油道者。語默不常。眾莫之測。時有中貴南使見而異之。還奏。僖宗詔詣京師。入見。不肯削髮。以為受之於親。不忍去。從之。忽云。天下將有叛者起。惟蜀可。避再奏。不納。師乃自往。俄黃巢反。僖宗西狩。遂以為神。從駕還京。賜號鎮國。屢辭不受。復賜信天大師。桂林府志

道林

唐調露中。桂州人薛甲嘗供一僧。法號道林。道德甚高。瞻敬尤切。如是供給十有餘年。忽一日辭去。云貧道在此。撓濟多年。更無所酬。今有舊經一函。且寄宅中。一周年不回。即可開展。經藏餘開鎖。見有金數千兩。後賣一半買地。造菩提寺。并建道林真身供養。至今像儀見存。薛甲今見有孫禹賓。在桂林效職。桂林風土記

鹿虎二禪師

唐鹿虎二禪師。寓居橫之寶華山寺。修行有道。聚徒甚眾。一僧騎花虎。一僧騎白鹿。往來山間。人常見之。南寧府志

慈明禪師

慈明禪師。姓李。名楚圓。全州平塘人。神悟迥異。祥符二年。出家。受具。攝衣游方。遍參知識。天禧間。入洛中。訪汾陽昭禪師。昭令造丈室。一言契悟。洞徹心源。七年辭去。昭因謂曰。子之法器。吾已久知。吾在首山。親證三昧。研窮的要。今付於汝。汝善護持。宜往南方。大興吾教。師受囑已。徑造筠州洞山寶禪師法席。終日壁坐。寶問達摩九年。意旨如何。師曰。空腹空心。翌日。寶升座。推為導首。內翰楊大年。駙馬都尉李道勉。皆與師為方外交。後詔師入內。同觀渭川圖。仁宗問能詩否。師曰。那箇箇頭一撮山。河

年寫入畫圖間。依稀似我湘源景。只少虞妃淚竹斑。上悅賜紫衣號慈明大師。桂林府志

乘廣

楊岐乘廣者。谷州人。張氏子。七歲學書。十三慕道。至衡陽。依天柱。入洛。謁荷澤。會契真乘。由是南反。中經楊岐。一見峰巒。賞其奇秀。謂可開築。遂成道場。踰嶺以北。涉相而南。法侶望山如趨。鷲嶺。通志

僧契嵩

明教契嵩禪師。字仲靈。藤州鐔津李氏子也。七歲出家。既受具。嘗戴觀音像。誦其名號。一日千萬聲。經傳雜書。靡不博究。得法洞山。聰公。明道間。從豫章西山歐陽氏。昉借其家藏之書。讀於奉聖院。遂以佛五戒十善。通儒之五常。著為原教篇。是時歐陽文忠公。慕韓昌黎排佛。盱江李泰伯。亦其流。嵩乃携所業。三謁泰伯。以儒釋。昭合且抗其說。李愛其文之高。理之勝。因致書譽嵩於歐陽。既而居杭之靈隱。撰正宗記。定祖圖。齋往京師。經開封府。投狀府尹王公。素仲儀。以劄子進之。曰。臣今有杭州靈隱寺僧契嵩。經臣陳狀。稱禪門傳法祖宗。未甚分明。教門淺學。各執傳記。古今多有爭競。故討論大藏。備得禪門祖宗本末。因刪繁撮要。撰成傳法正宗記一十二卷。並畫

祖圖一面以正傳記謬誤。兼助輔教篇印本一部三卷。上陞下書一封。並不干求恩澤。乞臣繳進。臣於釋教粗曾留心。觀其筆削註述。故非臆論。頗亦精緻。陛下萬幾之暇。深得法樂。願賜聖覽。如有可采。乞降中書看詳。特與編入大藏目錄。取進止。仁廟覽其書。哥其奏。勅送中書丞相韓魏公參政歐陽文忠公。相與觀歎。採經考證。既無訛謬。於是朝廷旌以明教大師。賜書入藏中書劄子。有曰。權知開封府王素奏杭州靈隱寺僧契嵩撰成傳法正宗記。并輔教編三卷。宜令傳法院於藏經收附。傳法院准此。由是名振海內。已而東還。屬蔡公襄為守。延置佛日山。居數年。退老於靈隱永安精舍。熙寧五年。示寂。葬於永安之左。僧念常佛祖通載

吾友契高師。熙寧四年。沒於餘杭靈隱山翠微堂。人莫訖。不壞者五物。睛舌鼻及耳毫數珠。時恐厚誣。以烈火重鍛。鍛之愈堅。嵩之文。僅參韓柳間。治平中。以所著書曰輔教編。携詣闕下。大學者。若今首揆王相。歐陽諸巨公。皆低簪以禮焉。王仲儀公素為京尹。特上殿。以其編進呈。許附教藏。賜號明教大師。嵩童體完潔。至死不犯火訖。根器不壞。此節可高天下之士。余昔怪其累夕講談。音若清磬。未嘗少頃。乃終方得其驗。嵩字仲靈。藤州人。詩類老杜。楊公濟蟠收全集。公濟深仗其才。答嵩詩有千年

猶可照吳邦之句。

僧丈壘湘山野錄

僧行瑛

開先行瑛。桂州永福人。毛氏子。受業本州之菩提寺。長即出遊。至吉州隆慶院。謁慶閑。多所開悟。次參照覺。頓息諸疑。出世廬山之開先。瑛材器廣大。果於立事。任人役物。如轉石於千仞之溪。無不如意。有照覺遺風。在開先幾二十年。初苦疲癯。屢求去。未得。卧病者三年。一旦起。將梵剎鼎新之。九年乃成。見者駭歎。黃太史魯直嘗戲謂瑛為如來藏中之說客。菩提場中之遊俠云。永福志

僧洪

洪禪師。宋時人。少持齋。好誦諸釋家言。每焚香讀經。善念修持。寓崇善寺中。結廬以居。正體危坐。如泥塑人。竟日不飲食。鄉有好善者。每以衣糧助之。壽九十。尸解而去。

南寧府志

起信

定慧起信者。桂州人。性敏悟。師事琅琊覺。說法於蘇州之定慧院。為覺嫡嗣。通志

法演

法演。桂州人。志慕真乘。久無所得。一聞黃龍慧南風旨。玄峻演曰。真吾師也。遂去事南。因紹其法。後以大衆推主。蘄州四祖山法席。通志

僧奉忠

冷齋夜話云。章子厚謫海康。過貴州南山寺。寺有老僧。名奉忠。蜀人也。自眉山來。欲渡海。見東坡不及。因病於此寺。子厚宿山中。邀與飲。忠忻然從之。又以蒸蛇勸食之。忠舉筋敵之。無所疑。子厚笑曰。奉佛戒。乃食蒸蛇。何哉。忠曰。相公愛人以德。何必見誚。已而倚檻看層雲。子厚曰。夏雲多奇峰。真善比類。忠曰。曾記夏雲詩甚奇。子厚使誦之。忠曰。如峰如火。復如綿。飛過微陰落檻前。大地生靈乾欲死。不成霖雨漫遮天。胡好漁隱叢話

佛日禪師

佛日禪師。來賓縣金華峰第一代祖。有戒行。宋紹興中。於獅子山文殊菴。端坐而逝。留偈云。落落拓拓。上無把捉。出沒太虛。無繫無縛。鐵馬倒地。誰人摸索。一統志

善資禪師

善資禪師。桂人。住寧壽寺。上堂有僧問。如何是廣南境。云。地連南嶽千峰秀。水接西

川一派清。如何是境中人。云腰間曾墜石。境上本無塵。問上宗來事若何。云一棒一痕分痛痒。獨許泥牛木馬知。又問如何是祖師西來意。師以手反覆示之。僧云。不會。師云。若喻此。如鴉啄鐵牛。無下口處。桂林府志

善慶

僧善慶。宋時清涼寺僧也。勤戒行。得悟常遊富川大小洞天。卒不見人。以為羽化云。通志

僧景淳

僧景淳。桂人工詩。規模淵源出於與可。元豐初居豫章乾明寺。終日閉門。不置侍者。聞鄰寺齋鐘。即造焉。諸刹皆敬愛之。或陰雨為送食。二十年如一日。淳詩意艱澀。不可遽解。如夜色中。旬後虛堂第幾更。隔溪猿不叫。當檻月初生。又後夜客來稀。幽齋獨掩扉。月中無傍立。草際一螢飛。之類是也。桂林府志

紫衣禪師

能仁者。宋賜號曰紫衣禪師。初悟道。居勝金山。後因建能仁寺。明正德末移寺於全

州南岸。通志

桂林老僧

樂平向十郎者。為商。往來湖廣諸郡。嘗販萬椀數十篋之桂林。值久雨。憩僧寺中。天乍晴。悉出萬曝於庭。俄一人儒衣入門相揖。問勞委曲如舊交。良久。率爾言曰。君之此物。能捐十之一見贖乎。向笑曰。鄙人不遠數千里來貿易。以覲錙銖之息。歸養妻孥。不幸困於雨。進退無計。君何為出此言。且素昧平生。何緣損己以相餽。豈故相戲邪。其人卑躬下氣。求之不已。向大怒。極口詆之。則熟視微笑而去。少頃。所曝萬皆變白色。欲廢。向驚疑莫測。一僧在旁密語之曰。此子精於南法。非特能變幻百物。亦能害人。向愁慘泣曰。為之奈何。僧曰。吾知之久矣。見之孰矣。彼固不敢犯我。然以其挾妖欺天。害人以自利。心惡之。今知客反掌受禍。詎宜忍不言。此子技至精。僭輩莫及。獨此東去十里外。有老僧能制之。而其居隱邃。人所不識。客誠能虔心求訪。盡力哀祈。當轉禍為福。不然。無濟也。向拜謝如教。亟往訪之。則荒榛蔽目。絕無人迹。蕭然一草舍。不蔽風雨。老僧憤騰獨坐。向趨拜致敬。跪以情白。拒之甚堅。曰。吾厭苦世紛。屏迹待盡。安有所謂道術哉。且何人饒舌。為汝道。向洒涕悲鳴。拜以百數。乃首首呼入室。取丹書小符一紙付之曰。汝歸就曝處。以大釘釘之。勿令盡。彼若來悔伏。則取而

縱之向歸用其說未瞬息聞黃色如故秀才者復來遍體腫脹氣息纔屬令二僕扶持踴躍悔謝曰昨聊與客戲爾何至是所携貨既無傷幸全我向為去釘其人漸平復如初鄭重而出別有告者彼非真感君賜也業已相負罽隙既成必謀報怨將何以待之向益懼又奔詣老僧僧曰若果爾宜重釘此符令沒入地除妖以寧一方吾之志也向謹奉教符纔沒地外聞爭相傳告云秀才暴卒矣是事本吾邑向元伯侍郎蒞黨所致而鄉人皆不知後聞何德揚始言之志 誇堅

盧德洪

張自明寓京時有一僧來謁曰余姓盧名德洪宜州廣化寺僧聞君任吾州故來謁遂留談授一履而去云至宜以此履覓我自明至宜遊南山問德洪所在眾僧愕然云本僧別去不知所向久矣自明焚香祝曰汝有靈以香引我己而香拂山左右室中往觀之有窾燈猶微明德洪坐化於內一履在前與所遺無二始知其異云西事

齊曉

齊曉桂州人碧蘭坊蕭氏子依護國寺出家既具戒游湖湘依雲峰悅禪師數年悅謝世乃渡江游祖山愛黃梅小招提葺為香火之社邂逅楊次公與語針芥相投叙

雲峰錄行於世。既南還。舊隱道俗參和者常數百人。繼住寧壽寺。風規凜然。復還護國寺。臨終之日。四眾圍繞。至中夜轟一喝。眾急趨之。已撼不應矣。危坐三日。儀采不變。瞻禮者踵武不絕。桂林府志

僧主

宋鹿苑主者。桂州人。嗣德山。遠開法於潭州之鹿苑寺。通志

紹慈

萬杉紹慈。桂州人。趙氏子。年十九。振策踰衡嶽。抵豫章。觀馬祖遺跡。聞廬山。東林常總道席甚盛。遂委心焉。一日語次。總舉拂子。擊慈者再。慈遽奪拂子。總云。汝何敢爾。對曰。拂子今屬慈矣。總云。三十年老將。今被小卒摧折。自此聲名籍甚。推為東林上首。隨出世。通志

慧初

德山慧初。靜江府人。初見善財廣參事。奮衣而起。遂浮湘而下。徧經東南。所至諮詢名宿。少所降挹。乃見黃龍震。言下契合。因得嗣其法。主常德之德山。通志

烏焚僧

鳥焚僧正統間住衡山雁峰寺過全州謁無量禪師遂至懷集寓蓮花巖丙午九十餘洞氓日施蔬食天順改元冬天火降洞僧移蒲團巖外坐化未幾飛鳥萬計集聚蔽日各摘羽覆之一日如墓二日如廩三日如丘陵有一鳥大如鶴摘毫俱盡赤肉啼於巖壁既旬日枯茅叢中火起燃及羽堆此鳥墜火與僧同焚後有人見一小兒騎一長尾鳥飛向護山絕頂而沒

全州志

爽菴真者

爽菴真者得一切觀智遠遊匿跡或有問其里姓但曰廣西人以故不知何州縣問所師授搔首不答有固問者但云吾師觀世音而已去就無常莫知其所終

通志

融虛

融虛禪師名真宗四川重慶府合州定遠縣人壯年雲遊至永明心見信得上乘之禪宗篤志修行悟不二之妙法首闢湘山寺大振宗風人咸欽之及化身日諸僧誦經舉火弟子如果見火化至胸猶諷大乘經不息遂叩師曰乞留遺衣鉢以示後人師始擲魚子下壇瞑目坐化年八十有奇時崇禎甲戌也

永福志

蘇娥訴冤

清 汪森編

漢九江何敬為交州刺史行部到蒼梧郡高安縣暮宿鵝奔亭夜猶未半有一女從樓下出呼曰妾姓蘇名娥字始珠本居廣信縣修里人早失父母又無兄弟嫁與同縣施氏薄命夫死有雜繒帛百二十匹及婢一人名致富妾孤窮羸弱不能自振欲之傍縣賣繒從同縣男子王伯賃車牛一乘直錢萬二千載妾并繒令致富執轡乃以前年四月十日到此亭外於時日已向暮行人斷絕不敢復進因即留止致富暴得腹痛妾之亭長舍乞漿取火亭長龔壽操戈持戟來至車旁問妾曰夫人從何所來車上所載何物丈夫安在何故獨行妾應曰何勞問之壽因持妾臂曰少年愛有色莫可樂也妾懼怖不從壽即持刀刺脅下一創立死又刺致富亦死壽掘樓下合埋妾在下婢在上取財物去殺牛燒車車杠及牛骨貯亭東空井中妾既死痛感皇天無所告訴故來自歸於明使君敬曰今欲發出汝屍以何為驗女曰妾上下著白衣青絲履猶未朽也願訪鄉里以骸骨歸死夫掘之果然敬乃馳還遣吏捕捉拷

問具服。下廣信縣驗問。與娥語合。壽父母兄弟悉捕繫獄。敵表壽常律殺人不至族誅。然壽為惡首。隱密數年。王法自所不免。令鬼神訴者。千載無一。請皆斬之。以明鬼神。以助陰誅。上報聽之。千寶記

扶南王

扶南王范文。本夸奴。牧羊山澗。水中得二鱧魚。規欲私食。即知檢求。文曰：非魚也。將礪石還爾。即至魚所。見是石。遂去。支異之。石有鐵文。就山中治鐵。鍛作兩刀。舉刀向郭祝曰：鱧魚變化。治石成刀。斫石郭破者。文當治此國。遂斫之。石破。於是人情附之。後王扶南。石上痕尚在。魚刀子孫寶守。謬比之。斬蛇劍。嶺南瑣記

飛蟲食屍

蒼梧吏劉京云。桂林晉興寧浦間。人病將死。有飛蟲大如小麥。或云有甲。或一石餘。或三五斗。而來在舍上。人氣絕。來食亡者。雖撲殺。來如風雨。不可斷止。斯須。肌肉都盡。止餘骨在。乃去。殯殮不時。皆受此害。有物力者。以衣服布帛五六重裹亡者。此蟲畏梓木氣。若以梓木板障其傍。并以作器。便不敢近。博物志

馮乘吟富虜蕩夜獵見一大麀射之麀便云虜蕩汝射殺我亦明晨得一麀而入即
時蕩死冬象未志
凶影響錄

阮放

晉阮放字思度成帝時求為交州刺史行達益浦逢陶侃將高寶平梁碩自交州還
放設饌請寶伏兵殺之寶眾擊放敗走保簡陽城得免到州少時暴發渴見寶為崇
遂卒通志

歐陽紇殺白猿

梁大同末遣平南將軍蘭欽南征至桂林破李師古陳徹別將歐陽紇略地至長樂
悉平諸洞深入險阻紇妻織白甚美其部人曰將軍何為挈麗人經此地有神善竊
少女而美者尤所難免宜謹護之紇甚疑懼夜勒兵環其廬匿婦密室中謹閉甚固
而以女奴十餘伺守之再夕陰風晦黑至五更寂然無聞守者怠而假寐忽若有物
驚悟者即已失妻矣闕局如故莫知所出出門山嶮咫尺迷悶不可尋遂遠明絕無
其迹紇大憤痛誓不徒還因辭疾駐其軍日往四遐以索之逾月忽於百里外叢篠
間得其妻繡履一隻雖雨浸濡猶可辨識紇尤悽悼求之益堅選壯士三十人持兵

負糧。嵒棲野食。又旬餘。遂所舍。約二百里。南望一山。葱秀迥出。至其下。有深溪環之。乃編木以度。絕嵒翠竹之間。時見紅絲。聞笑語聲。擁蘿引絙而陟其上。則嘉樹列植。間以名花。其下綠蕪豐軟如毯。清迥岑寂。杳然殊境。東向石門。有婦人數十。敝服鮮澤。嬉游歌笑。出入其中。見人皆慢視遲立。至則問曰。何因來此。統具以對。相視歎曰。賢妻至此月餘矣。今病在床。宜遣視之。入其門。以木為扉。中寬闢若堂者三四。壁設牀。悉施錦薦。其妻卧石榻上。重茵累席。珍食盈前。統就視之。迴眸一睇。即疾揮手令去。諸婦人曰。我等與公之妻。比來久者十年。此神物所居。力能殺人。雖百夫操兵。不能制也。幸其未返。宜速避之。但求美酒兩斛。食犬十頭。麻數十斤。當相與謀殺之。其來必正午。後慎勿太早。以十日為期。因促之去。統亦遽退。遂求醇醪與麻。犬如期而往。婦人曰。彼好酒。往往致醉。醉必驕力。俾吾等以綵練縛手足于床。一踊皆斷。嘗紉三幅。則盡力不解。今麻隱帛中。束之度不能矣。遍體皆如鐵。惟臍下數寸。常護庇之。此必不能禦兵。必指其旁一嵒曰。此其食廩。當隱於此。靜而伺之。酒置花下。犬散林中。待吾計成。招之即出。如其言。屏氣以伺。日晡有物如足練。自他山下透至。若非徑入洞中。少選有美髯丈夫。長六尺餘。白衣曳杖。擁諸婦人而出。見犬驚視。騰身執之。

披裂吮咀食之致飽。婦人競以玉盃進酒。諧笑甚歡。既飲數斗。則扶之而去。又聞嬉笑之音。良久。婦人出招之。乃持刀而入。見大白猿。縛四足於床。顧人感縮。求脫不得。目光如雷。競兵之。如中鐵石。刺其臍下。即飲刀血射如注。乃大歎。咤曰。此天殺我。豈爾之能。然爾婦已孕。勿殺其子。將逢聖帝。必大其宗。言絕乃死。搜其藏。寶器豐積。珍羞羅列。凡人世所珍。莫不充備。名香數斛。寶劍一雙。婦人三十輩。皆絕色。久者至十年云。統即取寶玉玲麗。及諸婦人以歸。猶有知其家者。統妻周歲生一子。後統為陳武帝所誅。統素與江惣善。愛其子聰悟。常留養之。故免於難。及長。果文學善書。知名於時。張重華妖耳編

劉薦過山魃

天寶末。劉薦者為嶺南判官。山行忽遇山魃。呼為妖鬼。山魃怒曰。劉判官。我自遊戲。何累於爾。乃爾罵我。遂於下樹枝上立呼班子。有頃。虎至。令取劉判官。薦大懼。策馬而走。須臾為虎所攫。坐脚下。魃乃笑曰。劉判官。薦大懼。更罵我否。左右再拜乞命。徐曰。可去。虎方捨薦。薦怖懼幾絕。扶歸病數日方愈。薦每向人說其事。廣異記

異題

明皇帝嘗有方士獻一小龜徑寸而金色可愛云此龜神明而不食可實諸枕笥之中辟巨蛇之毒上常貯巾箱中忽有小黃門恩握方深而為骨肉所累將竄南徼不欲屈法免之密授此龜勅之曰南荒多巨蟒常以龜置於側可以無苦闇者拜受而懷之洎達象郡之屬邑里市館舍悄然無一人投宿於旅館飲膳芻豢燈燭供具一無所闕是夜月明如晝而有風雨之聲其勢漸近因出此龜置於階上良久神龜伸頸吐氣其大如綫直上高三四尺徐徐散去已而龜遊息如常向之風雨聲亦已絕矣及明驛吏稍稍而至羅拜庭下曰昨知天使將至合備迎奉適緣行旅誤殺一蛇衆知報冤蛇必此夕為害側近居人皆出三五十里外避其毒氣某等不敢遠去止在近山崑穴之中伏而待旦今則天使無恙乃神明所佑非人力所及也久之行人漸至云當道有巨蛇十數皆糜爛自此無復報冤之物人莫測其由逾年黃門應召歸長安復以金龜進上泣而謝曰不獨臣之性命賴此生全南方之人永祛毒類所全人命不知紀極實聖德所及神龜之力也

杜光庭錄異記

封盈

韓休在桂州時有妖賊封盈能為數里霧嘗行野外見黃蝶數十因逐之至一大

樹下忽滅。掘之得石。素書大如臂。遂成左道。百姓歸之如市。乃聲言某日將收桂州。有紫氣者我必勝。至期果紫氣如足帛。自山亘于州城。白氣直衝之。紫氣遂散。天忽大霧。至午稍開。露州宅諸樹。滴下小銅佛。大如麥。不可勝數。是年韓卒。陽雜俎。酉龍城無妖邪之怪。

柳州舊有鬼名五通。余始到不之信。一日因發篋。易衣盡為灰燼。余乃為文醮訴于帝。帝憇我心。遂爾龍城絕妖邪之怪。而庶士亦得以寧也。柳柳州集下同

羅池石刻

羅池北龍城勝地也。後者得白石上。微辨刻畫。云龍城柳神所守。驅厲鬼山左首。福土祗制九醜。余得之不詳其理。特欲隱乎於斯耶。

趙來章

唐貞元十八年。天水趙公。於年四十二。客死于柳州。官為斂葬于城北。元和十三年。孤來章始壯。來求其墓。不得。卜筮五月甲辰。卜于秦謝。兆之曰。金食其墨。而火以貴。其墓直且在道之右南。有貴神家土是守。乙巳于野。宜過西人。深目而髯。其得實。因七日發之。乃覩其神。明日求諸野。有吏荷杖而東者。問之曰。是故趙丞兒邪。吾為曹

信是邇吾墓。噫。今則夷矣。直社之北。二百舉武。吾為之範焉。辛亥。啓王有木焉。發之。緋衣衾。凡自家之物。皆在。州人皆為流涕。誠來章之孝神。付是叟。以與龜偶。不然。其協焉如此哉。

生子無影

柳州古桂陽郡也。有曹泰。年八十五。偶少妻。生子名曰普。日中無影焉。年七十方卒。親見其孫子。具說道士曹體一。即其從孫姪云。的不虛。故知丙吉驗影不虛也。

張鷟
耳目

記

高昱

元和中。有高昱處士。以釣魚為業。嘗舣舟於昭潭。夜僅三更不寐。忽見潭上有三大芙蓉。紅芳頗異。有三美女各踞其上。但衣白光潔如雪。容華艷媚。瑩若神仙。共語曰。今夕濶水波澄。高天月皎。怡情賞景。堪話幽玄。其一曰。旁有小舟。莫聽我語否。又一曰。縱有非濯纓之士。不足憚也。相謂曰。昭潭無底。橘洲浮。信不虛耳。又曰。各請言其所好何道。其次曰。吾性習釋。其次曰。吾習道。其次曰。吾習儒。各談本教道義。理極精微。一曰。吾嘗得不祥之夢。二子曰。何夢也。曰。吾夢子孫倉皇。窟宅流徙。遭人斥逐。舉

族奔波是不祥也。二子曰：遊魂偶然，不足信也。三子曰：各算來，農得何物食？久之曰：從其所好。僧道儒耳。吁！吾適來所論，便成先兆。然未必不為禍也。言訖，逡巡而沒。昱聽其語，歷歷記之。及旦，果有一僧來渡。至中流而溺。昱大駭曰：昨宵之言，不謬矣。旋踵一道士，艤舟將濟。昱遽止之。道士曰：君妖也。僧偶然耳。吾赴知者所召，雖死無憾。不可失信。叱舟人而渡。及中流，又溺焉。續有一儒生，挈書囊徑渡。昱懇曰：如前去，僧道已沒矣。儒正色而言：死生命也。今日吾族祥齋，不可虧其吊禮。將鼓棹。昱挽書生衣袂曰：臂可斷，不可渡。書生方叫呼於岸側，忽有物如練，自潭中飛出，繞書生而入。昱與渡人遽前捉其衣襟，濺流滑，手不可制。昱長吁曰：命也。頃刻而沒。三子而俄有二客，乘葉舟而至。一叟一少。昱遂謁叟，問其姓字。叟曰：余祁陽山唐勾豔，今適長沙。訪張法明威儀。昱久聞其高道，有神術，禮謁甚謹。俄聞岸側有數人哭聲，乃三溺死者親屬也。叟詰之。昱具述其事。叟怒曰：焉敢如此害人。遂開取丹筆篆字，命同舟弟子曰：為吾持此符入潭，勒其水怪。火急他適。弟子遂捧符而入。如履平地，循山脚行數百丈，觀大穴，明瑩如人間之屋室。見三白猪，寐於石榻，有小猪數十，方戲於旁。及持符至，三猪忽驚起，化白衣美女。小者亦俱為童女，捧符而泣曰：不祥之夢，果中。

矣。曰為某啟先師。住此多時。寧無愛戀。答三日。徙歸東海。各以明珠為獻。弟子曰。吾無所用。不受而返。具以白叟。叟大怒曰。汝更為我語。此畜生。明晨速離此。不然當使六丁就穴斬之。弟子又去。三美女號慟曰。敬依處分。弟子歸。明晨有黑氣自潭面而出。須臾烈風迅雷。激浪如島。有三大魚長數丈。小魚無數。周繞公流而去。叟曰。吾此行甚有所利。不因子。何以去昭潭之害。遂與豈乘舟東西耳。

太平廣記

柳解

柳解少貧。遊嶺表。廣州節度使孔戣。遇之甚厚。贈百餘金。諭令西上。遂與秀才嚴燭。曾黯數人。同舟北歸。至陽朔縣南六十里。方博於舟中。忽推去博局。起離席。以手接一物。初視之。若有人投刺者。即急命衫帶。泊舟而下。立於沙岸。拱揖而言曰。解幸得與諸君同事。符命雖至。當須到桂州。然後議行。李君宜前路相候。曾嚴見解之所為。不覺悚然。亦皆脫蠻。如有所親。解即却入舟中。偃卧吁嗟良久。謂二友曰。僕已受泰山主簿。向者車乘。更從畢至。已與約至桂州矣。自是無復笑言。亦無疾。但每至夜泊之處。則必箕踞而坐。指揮處分。皆非生者所為。陽朔去州尚三日程。其五十灘常須舟人盡力。乃過。至是一宿而至。解常見二紫衣。具軍容。執鉞。驅百餘卒。在水中推挽。

其舟解至桂州。修家書。纔畢而卒。時唐元和十四年八月也。

河東記

李湘問鬼

盧從史。元和初。以左僕射節制澤潞。因鎮陽拒命。跡涉不臣。為中官驃騎將軍吐突承瓘所絏。縛送京師。以反狀未明。左遷驪州司馬。既而逆迹盡露。賜死於康州。寶曆元年。蒙州刺史李湘去郡歸闕。自以海隅郡守。無臺閣之親。一旦造上國。若扁舟泛滄海者。聞瑞溪縣女巫者。知未來之事。維舟召焉。坐到曰。某能知未來之事。乃見鬼者呼之。皆可召。然有二等。有福德之鬼。有貧賤之鬼。福德者精神俊爽。往往自與人言。貧賤者氣劣神瘁。假某以言事。盡在所遇。非某能知也。湘曰。安得鬼而問之。曰。廳前楸林下。有一人。衣紫佩魚。自稱澤潞盧僕射。可拜而請之。湘乃公服執簡。向林而拜。女巫曰。僕射已答拜。湘遂揖上階。空中言曰。從史死於此廳。為弓絃所延。今尚惡之。使君牀上。弓幸除之。湘遽命去焉。時驛廳副階上。只有一榻。湘偶忘其貴。將坐。問之女巫曰。使君無禮。僕射官高。何不迎坐。乃將吏視之。僕射大怒去也。急隨拜謝。或肯却來。湘匍匐下階。問其所向。一步一拜。凡數十步。空中曰。大錯。公之官未敵吾軍。一稗將。奈何對我而自坐。湘再拜辭謝。方肯却回。女巫曰。僕射却回矣。於是拱立而

行及階。女巫曰：僕射上矣。別置榻而設茵褥以延之。巫曰：坐矣。湘乃坐。空中曰：使君何所問？對曰：湘遠官歸朝，憂疑之極。伏知僕射神通造化，識達未然，伏乞略賜一言，示其榮悴。空中曰：大有人接。到城一月，當刺梧州。湘又問：終更不言。湘因問曰：僕射去人寰久矣，何不還生人中，而久處冥冥？曰：吁！是何言哉！人世勞苦，萬愁纏心，盡如燈蛾爭撲名利，愁勝而髮白，神敗而形羸，方寸之間，波瀾萬丈。相妬相賊，猛於豪獸，故佛以世界為火宅。道以人身為大患。吾已免離下視湯火，豈復依身而臥其間乎？且夫據其生死明晦，未殊學仙成敗，則無復計之也。其辭自無形而煉成三尺之形，則上天入地，乘雲駕鶴，千變萬化，無不可也。吾之形未圓者三寸耳，飛行自在，出幽入明，亦可也。萬乘之君不及我，况平民乎？湘曰：煉形之道，可得聞乎？曰：非使君所宜聞也。復問梧州之後，終不言。乃去。湘到輦下，以其貨求助，助者數人。未一月，拜梧州刺史。皆如其言。竟終於梧州。盧所以不便言其後事也。

唐李復言續幽怪錄

樂將軍廟

唐中丞杜式方為桂州觀察使時，西原賊反，詔命郎中裴俞招撫。裴令桂州押衙樂源與副將二人往傳詔命。源儒者有氣誼，賊帥黃少卿大喜留宴，悅其佩刀，請之。源

雖自愛念欲招懷之不可拂其意遂解刀以贈賊帥酬小婢二人副將誣源以軍中虛實告賊裴郎中大怒源具言本末辭色頗厲裴愈怒移書式方式方心知源冤陰勸其逸去源以無罪不肯式方畏郎中不得已灑泣厚置酒饌竟致之法源將刑召妻子與別謂曰可置紙筆棺中當訴于帝問監刑者曰今何時曰日中源曰吾昏時便往賓州取副將明年四月殺裴郎中因舉頭謂執刀者曰爾慎勿折我頸折之即殺爾其人不聽拉其頸殺之忽驚蹶仆地死數日後賓州報副將以其日昏時暴得心痛死裴至明年四月亦卒其年十月式方於毬場宴勅使忽語曰樂源何為來此我亦無過索酒澀地祝之良久曰我知汝冤而竟殺汝亦我罪也遂不能語昇入州夜死今桂州南門外源死處方丈無草人因為立樂將軍祠祀之

史

石從武射妖

開成中桂林裨將石從武少善射家染惡疾長幼罕有全者每深夜見一人自外來體有光耀若此物至則疾者呻吟加甚醫莫能效從武他夕操弓映戶以俟其來俄而精物復至從武射之一發而中焰光星散命燭視之乃家中舊使樟木燈擊已倒矣乃劈而燔之毒灰河中於是患者皆愈

桂林風土記

蘇太玄妻

陽朔人蘇太玄農夫也。其妻徐氏生三子而卒。既葬。忽一日還家。但聞語而不見形。云命未合終。冥司未錄。每至必憐撫其子。為之紉補。經旬月。鄰忤乃知。或占卜吉凶。述善惡。一一符驗。有鄉人在府充職。被疾其家。請卜之。俄頃云。至涼風館南地名柘木林。遇虎當道。不敢過。遂却回。卜者請通。因請再往。俄頃曰。至府見所疾已愈。疑其不實。遂問其所居坊曲。病人形貌。徐氏先不曾至府。又未識病者。一一言之無差異。又有入來卜。謝無物奉酬。深為不足。徐氏曰。公家三斗粟在西房。何得稱無。卜者請取之。遂巡負致其前。眾皆愕然。如此不一。忽一旦言帝舜發兵討蠻。有人求至驛。助擊熟食。更一兩日。當還如期而歸。將一分細食致夫前曰。此飯曷若人間過軍者。夫嘗之倍珍於他食。又一旦泣告曰。無端泄陰事。獲罪被追。此去難再還。好看兒女。泣

別遂絕

桂林風土記

唐伯虎

五代時全州進士唐伯虎。一日病卒。心獨溫。後數日還魂。初若夢為人。追呼入官府。見主者曰。誤矣。當還已。而語伯虎曰。到人間。為我以法華經為報。亦當勸人誦之。伯

虎曰。其他日亦得祿乎。謂之曰。雖有薄爾。遂出至家而歿。後任梧州推官。六十餘卒。
王暉隨
手雜錄

嘉應侯

五代時。桂林府張姓者。滑人。歷殿前侍衛。以勇略聞。宋嘉祐間。京師火。不為災。仁宗感夢。封嘉應侯。元豐初。桂多火。父老相與謀。請為祠祀之。自是火遂息。
通志

記龍鳴。獨藤州。鐔津人。此在鐔津所開。

吾年十九時。往吾邑之寧風鄉。至於姚道姑之舍。道姑。異婦人也。其舍在山中。留且數日。遂聞其舍之山。有聲發于陂池之間。杳然若振大鐘。如此數聲。吾初怪之。顧此非有鐘可聲。頃之。遂以問道姑。道姑肅然作而曰。異乎。此龍吟也。聞此者。大瑞。子後必好。道姑處子時。嘗取水溪中。身感龍瘖。及人禮之。如龍光發于房。女子即亡。亡而還。不復樂其家居。鄉人神之。遂為結精廬處之山中。然姚女自少獨守。精潔齋戒。初頗逆。道人問吉凶。其事輒驗。及吾見時。已年老六十餘。氣貌冷然。不復道人。吉凶。楮冠布服。栖高樓。專誦佛經。雖數萬言。日夜必數帙。妙法華經。遇物慈善。故其鄉人靡然相化。吾嘗問其何所以授經。曰。嫗少時。每有神僧來。虛而來。教嫗耳。吾故以其所謂。

龍吟者不妄也。吾讀書視古人如是者多矣。有若房瑄薛令之賤時栖山。皆謂曾聞龍吟。其後房果為宰相。薛至太子侍讀。此其所聞之驗也。嗟乎。余雖不埒於二公。然而遵道行已。豈負於聖賢而卒以弘法為庸人誣陷。遂示醜于天下。何其所聞未異而所驗不同耶。姚氏之謂可疑也。吾意夫龍者君之象也。豈今天下治平。盛乎聲明。文物以遭其時。得以而歌之。此其驗也。不然。神龍亦有妄以聞乎。僧契嵩集

王延範冤報

王延範為左道所惑。任廣西轉運。日常寓書左拾遺韋務昇。作隱語諷朝廷事。一日以事杖張知霸。知霸憾之。知延範與知州徐休復不協。遂詣知州告其事。徐以聞。奏太宗遣內侍閻承翰。會副使李瑄。與徐雜鞫之。抵罪。籍收其家。槁奠南海城外。墳土色如紫。纖草不生。禽鳥不泊。後徐知潞州。白日坐廳。忽見延範。發弩射之。矢自頸出於頤。驚呼走入。是夕瘍生於頤。旬餘潰而卒。樂善錄

飛來鐘

宋天聖間。有廣東廣州法性寺。洪鐘自南山東門飛入。□□寺中。貫其鈕於橫木。其木約大五六寸。長六七尺。自懸其上。歷數百年。傳聞鐘初來時。與白龍颺颺。則風雨

暴至。聲聞四境。萬曆九年三月初四日。鐘始墜下。今橫木與鐘尚存。府志

廣西太平州。有一鐘。自交趾思琅州飛來。夜常入水。與龍鬪。天明復舊所。正德己卯。

盜斷其紐。及唇。靈怪遂滅。朱國禎湧幢小品

地下鼓聲

寶積寺地下。隱隱有鼓聲。則賢人令至。府志

殺降寬報

世傳歐希範五藏圖。此慶曆間杜杞待制治廣南賊。歐希範所作也。希範本書生。桀黠有智數。通曉文法。嘗為攝官。乘元昊叛。西方有兵時。度王師必不能及。乃與黨蒙趕嘯聚數千人。聲搖湖南。朝廷遣楊畋討之。不得。乃以杞代。杞入境。即為招降。與之通好。希範獨傲久。亦幸尙免。遂從之。挾其首領數十人。皆至。杞大為燕犒。醉之以酒。已乃執于坐上。翌日。盡磔於市。且使皆剖腹。刻其腎腸。因使醫與畫人。一一探索。繪以為圖。用是遷待制。帥慶州。未幾。若有所覩。一夕登園。忽仆於園中。家人急出之。口鼻皆流血。微言歐希範以拳擊我。後三日竟卒。蒙齋筆談

木中笛聲

慶曆間余靖知桂州州境窮僻處有林木延袤數十里月盈之夕輒聞笛音絕清遠
土人云有此聲已數十年不詳何怪也使人夜聽之自一大柏樹中出乃伐取以為
枕笛聲如期而發其實惜之凡數年公之弟欲窮其怪命工解視則木有文理正如
人吹笛在月下坐雖善畫者不能為也重以膠合之則不復有聲矣

程達警
語類抄

鹽龍

蕭注從狄殿前之破洞蠻也收其寶貨珍異得一龍長尺餘云是鹽龍蠻人所奉也
藉以銀盤中置玉盃以玉筋撻海鹽飲之每鱗甲中出鹽如雪則收取用酒送一錢
匕專主興陽而前此無說者何也後因蔡元度就其體賦鹽而龍死其家以鹽封其
遺體三數日用亦大有力後聞此龍歸蔡元長家云

何遜春
者記聞

真武威德

知賓州蘇緘投遺表論桂州安撫司不發救兵來拒蠻寇致守臣身死其蘇緘死後
有鹽稅王褒被差巡城半夜越牆濠私遁值雷雨走入林中被數神人擒捉問何人
潛窺應曰賓州監稅王褒畏懼而逃其主者乃喝王褒曰太平時貪利祿盡愛國家
當其急難畏避奔走合與一死緣一城人民不忍枉遭屠戮目即未有救兵今特借

汝槍一條。步兵五十人。乘今夜雷雨之勢。趕去蠻寇。王褒曰。自來不學武。况蠻酋數千。赤脚兇惡之徒。五十餘卒。何以當之。亦不明是甚。方聖賢。願垂指示。神中部從云。汝但執其槍。領五十眾。急速用事。若得此功。他日榮顯。欲國家知委。但云北方三元遊奕大將軍也。王褒暗中受槍。領兵出林。隨後電光相逐。到蠻子寨。祇聞霹靂一聲。震驚蠻眾。圍寨。競相鬪敵。至曉。蠻隊已臨海口。離賓州城二百五十餘里。當夜天兵到。蠻寇大半。先乘筏過海逃遁。惟陰兵趕散。不留一寇。賓州一城。生靈不遭塗炭。時軍將知得。因依具奏。朝廷簡會蘇緘遺表。量與恩例。其王褒係真武威德。教令護國救民。可加授崇儀使。并交點本人所遇神槍看驗。即是蠻隊中所用火銅竹刀。以顯福神於倉卒間。有奪勝之權。宜令賓州建立報恩護國觀。修奉真武香火。歲度焚修道士一人。用答陰相。列仙通紀

廣南賓州衙宇。有伏屍精怪。前後官員。不肯注授。非自身染患。則兒女死亡。雍熙中。有禮賓副使楊從信。一生慕道。書符篆錄。為人救治疾疫。侍奉北極四聖香火。各有感應。纔到任三日。屬官來問。可就延福禪院寢。緣州衙多有不祥。切恐深夜驚動從者。從信既感真靈護身。祇於州衙卧處。備新果茶酒淨水等。取隨身真武供養。至

夜戌未亥初用黃絹一丈二尺。用辰砂書篆六丁神將追魂錄一道。奏告真武禱祝畢。隨紙錢燒去。供養經七晝夜。州衙安然皆無驚怖。至第十日。從信亦無響報。再懇真武。願速報應。當夜二更。聞窗聲震動。如風雨聲。燈燭皆滅。或見雷光閃爍。良久平定。五更二點。從信聽得有人敲房門。從信起身潛窺。見供養真武燈火如初。於案前有一豔粧婦人。叩窗叫言。念兒是周朝張忱侍郎之女。配與賓州刺史姚文吉。此人寵信偏婢范香春。同謀將兒用練帶勒殺。就本房掘地坑埋。不久姚文吉等去提領修築潼關。為事不端。遂被群馬踐向山坡。寸骨不收。今兒身沉墮於此。魂魄常守其尸。不得解脫。今因禮賓禱祝真武。差六丁神將同城隍土地搜捉兒去。押送風吼囉山展轉。沉為下鬼。兒告言冤屈。事理蒙真武慈憫。特與授記得超人。天切念兒。尸尚在東房南邊壁下。約深六尺。若得出離。便得起生。今來懇告。為兒作主。從信候早令人鐵掘。果有全副骸骨。取出。用槌木盛貯。於延福禪院齋寄。州衙從此安靜。從信因勸諭世人。親敬上真香火。以求保護之福。於是賓民悉皆承稟。無不虔恭。後從信歸京。差充皇城內巡。簡兼充宮令官。偶陪御祀祀家神。因奏此奉聖旨。送有司勘會賓州舊無宮觀。宜令轉運司相度。限五年建宮觀二所。選道士焚修。官給錢糧供贍。特

賜福聖并乾興觀為額上

海鱗

趙丞相忠簡敗朱崖桂林帥遣使臣往致酒未之饋自雷浮海越三日方張帆早行風力甚勁顧見洪濤間紅旗擘擘互相逐下極目不斷疑為海寇或外國兵甲呼問舟人舟人搖手令勿語眾皆惶怖令入舟披髮持刀出蓬背立割其股出血滴水中戒使臣使臣閉目在船內經兩時頃聞舟人相呼曰更生更生始言曰朝來所見乃巨鱗平生未嘗觀所謂旗者鱗脊鬣耳謂之吞舟魚使是魚與吾舟相值在數里之間身一輟轉則已淪溺於鯨波中矣呼可畏哉是時舟南去而鱗北上相望兩時彼此各行數百里計其身當十里有餘莊子鯢鵬之說非偶言也此說張子恩得之使臣云

臣云

宋明發

吳行正嘗著漫堂集載顧況老夫子作詩云老人哭愛子淚下皆成血老人年七十不作多時別每誦詩哭之哀甚未幾復生子非熊能道前世事云在冥中聞父哭并詩不勝哀懇於冥復為况子非熊任至起居舍人宋明發晉叔紹興辛未十月末在

蒼梧夫子。其子未病時。晝寤壁。皆作十月十日字。既卒。夢於其母。且復為子。壬子十月十日。於五羊復得子。其事頗與非熊類。可謂異矣。晉叔賢厚宜有子者。志載晉叔宋口成人丁。已為浙西提舉市舶。其室王氏。亦睢陽人。景融之女。同老之孫也。雜錄

天蛇毒

太子中允闕杞。曾提舉廣南西路常平倉行部。邕管一吏人為蟲所毒。舉身潰爛。有一醫言能治。呼使視之。曰。此為天蛇所螫。疾已深。不可為也。乃以藥傅其瘡。有腫起處。以鍼投之。有物如蛇。凡取其十餘條。而疾不起。淳溪筆談

虎不嚙人

嶺南俗淳。物賤。始吾以靖康丙午來博白時。虎未始傷人。獨村落間竊羊豕。或婦人小兒呼噪逐之。必委置而走。有客常過墟井。繫馬氏舍籬下。虎來嗷籬。客懼。氏曰。此何足畏。從籬旁一叱。而虎已去。村人視猶大然。十年之後。流寓者日眾。風聲日變。百物湧貴。而虎浸傷人。今則唱人與內地弗殊。風俗澆厚。亦及禽獸。抑先王中孚之道。信及豚魚。知必不誣。蔡條鐵園山叢談

梧志載靖康丙午。客來博白事。有村民語予。民有二子。一年十六。一纔十歲。同上山拾橡。忽有虎至。幼者輒前撫弄之。不動。既而呼長者。長者顧見虎。踉蹌走。虎追之。適山下暮樵群歸。齊聲喊逐。乃去。二子得全。虎不嚙弄者。而追走者何也。物之制以氣。而感以機。機動則白鷗不下。機息則猛獸可馴。氣勝而欲搏之。與氣不勝而欲避之。皆機也。利害趨舍。滑亂其心。有不為單豹之養者鮮矣。西事

粵西叢載卷十三終

清 汪森編

吳正之夢驗

吳信字正之。洛陽人。紹興初。為武岡尉。劇賊曹成蹂躪湖湘間。勢甚張。郡聞寇至。守將黃君興與諸曹悉引避山谷。信獨慨然以死自誓。留城內。集丁壯捍禦。居二日。寇壓境。先遣一騎將來偵城中虛實。信偶識其人。登陣呼曰。郝大夫亦為此邪。郝泣曰。吾以母故陷于此。不能自還。羞見故人。信為言城中無豪戶大家。正使擄掠。懼得不償勞。郝曰。聞黃使君橐中之藏甚厚。故來取信。去已久矣。郝曰。然則為君全一城。即舉鞭麾眾去。黃歸冒為己功。受陞賞。信幾獲罪。後數年丁巳歲。為全州清湘尉。夢人告曰。君有陰功。生子當及第。起自東南第一州。覺而弗解。姑志諸牘。又二十年内子歲。官於建康。因出郊見驛壁有詩首句云。建節東南第一州。始悟前夢。是堅志

楊三娘子

青州人。韋高避靖康亂。南徙居明州。紹興初。詣臨安赴銓試。因事出崇新門。逢青衣前揖問曰。君得非韋五官人字尚臣者乎。高曰。是也。何以知吾字。曰。楊三娘子欲相

見憑達家書。適在簾間。望見君。亟使我相邀。願移玉一往。高之舅氏楊僉判。時寓臨安。知其女三娘嫁李縣尉。而彼此流落。久不相聞。乃先叩其故。曰。李尉死已二年。楊家原未知也。娘子用事。欲寄聲甚切。高惻然愍之。遂同往。至一小宅。三娘出拜。具訴孀居孤苦之狀。且言所以獨處自守。不為骨肉羞者。思吾七日之好。義均伉儷。豈以人鬼為間哉。為之素服哭奠。與楊生同護其喪。行過嚴州。夢三娘立岸上相呼。高招使登舟。不肯。曰。生平無過惡。使得託身。感君恩意之勤。今懇祈陰官。乞復女身。與君為來生妻。以答大貺。泣而別。高調定海尉。衡陽口容州普寧令。歷十七八年。謀娶婦。輒不偶。既至普寧。二年。每見縣治側一民家女。及笄矣。貌色妍越俗。比數數窺之。女出入無所避。遂遣人求婚。女家力拒之。曰。我細民。以賣酒為活。女又野陋。不堪備妾侍。豈敢望此高意。不自恆。宛轉開諭。且以語脅之。竟諧其約。洎解印。乃聘之以歸。女步趨容止。絕似三娘。初不以為異也。後詢其年命。蓋嚴州得夢之次日。其為楊氏後身無疑矣。高年長於妻。幾三十歲。片壁志

賈廉訪

賈文閣學士賈謙之弟某。以勇爵入官。宣和間。為諸路廉訪使者。後避地入嶺南。寓

居德慶府。濟南商侍郎之孫。知縣者亦寓焉。商無妻。一女笄。二兒。純幼。惟侍妾王家政。商死。其女嫁。廉訪之子。成之。率旬日項。女輒歸家。拊視二弟。且檢校橐鑰。以為常。他日。歸。啓篋。司。凡黃白器皿。皆不見。但公牒一紙存。驚叩妾。妾曰。比者。府牒以排天申節。盡數闕借。當時遣僕馳白姐姐。及賈郎。回云。府命不可不與。遂悉以付之。望其持還。而未可得。女拊膺大哭。走問其夫。夫亦愕然曰。無此事。乃詣府投牒。立賞捕盜。竟失之。計直踰萬緡。商氏由此貧賤。而廉訪者。數使僕以竹節銀幣於肆。肆王問何處用竹節鑄銀。僕曰。廉訪手自坯銷者。於是人疑商氏亡金。必其所為也。後二十年。成之。通判橫州。商徙居臨賀。長已止。幼子曰懋。每往謁成之。必得錢十餘萬。未幾成之。終於官。懋孀姊。拔二孤甥。偕至賀卜葬。遂相依以居。甥非商出。懋經紀其家。掩有財物過半。後病傷寒。愴不知人者數日。忽蘇而言曰。憶初入冥。口覺此身飄浮。直出帳頂。又升屋。恣行曠野。更無侶伴。俄為人錄至官府。見一囚荷鐵枷。戴黑帽。紆於獄門。兩人執大扇對立其側。囚忽舉目呼曰。商六十五哥。識我否。懋未應。又曰。我賈廉訪也。諸事殊未辯得。爾來且可了其一。我昔年取你家財。所償略盡。猶有未竟者。幸為我供狀結絕。懋視執扇者一揮。則囚血肉糜潰。滿地不見人。唯存空枷。須臾復

如初。懋覩其楚毒，不忍視，頓憶曩事，為供狀而出。囚大哭曰：「今使相別我，猝未脫其執，扇驅入懋至門外。」一吏持符引出，卒徒數百。若迎新官者，白云：「泰山府君以君剛正好義，抵陰府不應空回，可暫充賀江。」廵按使者，吏導行江上，空中所至廟神參謁主者，呈支簿。懋一一詰責，據案部判。別一主者前進曰：「某神奉法不謹，誤溺死人。」懋即判領至原地頭誅戮，迺運到封州大江口。吏曰：「事已畢，福神來迎。」公可歸矣。懋還賀州所居，從屋飛下，汗浹背而寤。其妻方掛真武像於床頭，焚香禱請，蓋福神之應云。尼堅志

宜州溪洞長人

德興士人李扶，字助國，以恩科得官，調宜州司理參軍。慶元初，滿秩還鄉，云宜州溪洞近歲產一怪物，狀如人，長一丈許，遍體生鱗甲，但以布帛纏絞，獨據野廟寢處，莫測所由來。初，惟搏食畜獸，浸浸及人，皆從頭至足生咬之。洞丁不勝困苦，屢聚黨數百，往攻鬪，怪望人至，輒遁升山顛，運巨石而下擊，眾走避不暇。雖操強弩，傳藥前，四面亂射之，莫能入。始聞其所居，且設穿於往來之處，而為惡益甚。洞丁出入，須什什五五持矛鳴鑼，以自防衛，不與相值則已。儻人徒稍弱，必遭追逐，步既濶而行又捷。

或遲鈍在後。立為所獲。壯有膽者。敵以利刃。如刺堅石。殊不能傷。在田畝耕穫。少失
瞻顧。定有性命之虞。闔洞千口。惟收賊者。殆半。不聊厥生。悉徙避城郭。赴訴于郡。以
發兵圍捕之。聞其不畏鋒鏑。更無策可治。獄有重囚曰。馬超。巡檢者。武鷲悍勇。坐殺
人。久繫囚。自獻其技。曰。願取此怪。以贖罪。只得一大鐵聽。重三十斤。當獨往。官守欲
聽之。或疑其設詭計。求脫。乃質其妻子。旋鍛鋼鐵。大推遣之。別選五十兵。助詣洞。迨
至。杳無形影。信步到一寺。見微徑。髣髴似有大足迹。知必在彼。將入門。厲聲呼叱。示
威。且警使出。復寂然。直進次方丈。晚傍室。野獸毛骨。縱橫塞路。無床榻几席。惟編蓬
上堆疊敗絮。碎帛。全如犬窠。蓋其宿卧處也。馬潛伏室內。以候。料晚歸。必由三門。於
是側身出。掩扉獨留一扇。施拐撐拄之。傾耳審聽。俄聞山下。嗒然有聲。乃此物負
雙鹿穿林而來。馬急起發扉。陷其一足。痛垂以椎。仆于地。舉頭見人。搖牙。憤憤欲作
敵。而為鹿所壓。不能興。猶翻手。搗馬生脚。撮其股肉一大片。馬連運。椿其腦。遂死
之。披劍斷頸。流血數斗。即呼隨行者。昇尸獻于郡。洞蠻踊躍歡謝。各返故棲。郡以事
上諸朝。詔貸馬罪。還元官。李掾及見怪尸言之。尚怖懷。馬超之勇。而有志。益暗合唐
韋自東殺二野人之法也。

三堅志

楚婆

邕宜以西南丹諸蠻皆居窮崖絕谷間有獸名楚婆黃髮椎髻跣足裸形儼然一媪也上下山谷如飛猿自腰已下有皮囊垂蓋膝若犢鼻力敵數壯夫喜盜人子女然性多疑畏罵已盜必復至失子家窺伺之其家知為所竊則集鄰里大罵不絕口往往不勝罵者之衆則挾以還之其群皆雌無匹偶每遇男子必負去求合嘗為健夫設計搆之大壑中展轉哮吼脛絕不可起徭人集衆刺殺之至死以手護腰間不置剖之得印方寸瑩若蒼玉字類符篆不可識非鑄非鏤蓋自然之文然亦竟莫知其所實為何用也周子功景定間使大理取道於此親見其所謂印者此事前所未聞是知窮荒絕徼天奇地怪亦何所不有未可以見聞所未及遂以為誕也後漢郡國志引博物記曰日南出野女群行不見夫其狀晶且白裸袒無衣襦得非此乎博物記當是秦漢間古書張茂先蓋取其名而為志也

周密齊
東野語

張通直

柳州張通直舟泊潭州新婦死七日而體溫既還魂云初見二人如弓手追去甚急至一河次一人曰解衣婦曰我婦人衣不可去其一人止之呼舟而渡入大城市井

喧鬧。聞傳呼聲。二人引婦立城砌上。二人立其下。見一金紫人導從甚嚴。婦識之。乃其舅程之邵之元父也。連呼舅舅。金紫者亦識之。曰。七娘來來。遂跨馬取二人。文檄視之。乃曰。誤矣。急呼衣箱取紙一番。令婦執之。候至戒石。但執紙而立。既去。二人失色相顧。低頭不復語。至府門。人間大官府也。婦立戒石南。俄見金紫人至。次衣綠人。次衣朱衣人。皆坐。金紫人即呼婦取紙。語二同坐曰。誤勾此人來矣。綠衣人曰。已來不奈何。朱衣人曰。既誤。莫須放回。金紫人曰。合如此。只是二人得徒罪矣。即引二如弓手者。取狀杖脊二十下。令虞候引婦去。至一寺。大廈修廊。寂無一人。虛堂屏間一僧坐。虞候未前。又一吏人至。詣僧致語。僧移榻俯階。問婦曰。識字否。曰。識之。僧指手中經題問之。婦曰。金剛經也。僧展卷教誦之。又曰。婦則誦之。遂令婦執堂下幡。脚用力引之。幡起。驚寤而甦。王輩隨手雜錄

梁弼直

宋梁弼直。高要人。調靜江荔浦尉。以獲賊功。改官僉書營。祿一日假寐。夢西海府君牒請。至殿庭如王居。講賓王禮。請梁撰水城記。梁援筆為之。記未就而覺。明日錄畢焚之。無病而逝。其遺文。今人尚膾炙之。記略云。水出崑崙。泛諸海。西海據上流。天恩

地澤洋溢乎此而後注之東上帝以府君有神靈之德參贊造化乃垂顧命俾即其海而城之功鉅用妙固非言盡然而神龍得以養其頭角升奮於天興雲致雨霧霈萬物小而億兆種類得以飲啄游泳無不遂其生成之功也非府君之至神妙用其孰能之哉通志

雷神廟

元皇慶元年總管王世寧甫蒞事而祝融肆孽城內外火比作彼息開國坊尤甚眾情洶洶弗遑寧居王詢諸故老咸謂東隅舊有雷神廟傾圮弗葺火災弗息殆為是乎王未之信越四月火愈大作廟前後民俱皆煨燼惟廟之草堂岿然獨存王修葺之遂止慶誌府志

啼石里

元至正間興業大里村李龍村相近有巨石丈許突起村中能為雞啼群雞隨和居民厭之鑿其石聲遂止因名啼石里通志

鄧氏墓

元時馬塘嶺一鄧姓者有堪輿下一穴以葬其父以弓矢約之曰視吾箭所到處即

吉穴也。鄧從其言。葬之。村間有牛傷足不能行。山神曰。鄧家鴨脚木好做脚。以其木續牛足即行。遂感衆。自僭議創王者居址。後堪輿復至。登其墓曰。箭尾不藥。莫箭口發福亦不久。果謀逆伏誅。鄉人以桐油燒其墓。通志

慶遠城隍

慶遠府城隍廟。明初有選慶郡守。途遇一官儀仗同會詢其故曰。公主明某主幽。兩賢不相妨也。及之任。齋宿會神。舉動如兩賓相見。禮衆訝之。別無所見。後晤見簷端懸一婦。答責其楚。問其故曰。此某氏不孝婦也。守懇之神。寬其罪。歎曰。幽明之不可通也。如是。遂辭不復見。頃只見一蟋蟀懸於檐。訪氏罪病狀。果然。通志

木龍

慶遠郡城有宋奉旨建元妙觀。扁題廖陽殿。著宋政和年號。壯麗巍我。柱盤二木龍。備極工巧。每夜失龍所在。雞鳴見龍。通體苔覆。聲自學宮泮池來。相傳與泮龍鬪。歸也。道士釘以鐵。血流三日。夜。通志

飛鐘

宜山上五里。明初有鐘飛至多靈山。復飛至橋頭村。驗所從來。鐘上所著。係浙紹興

鐘也。村民即其地建梵宇。今鐘尚存。製異時鐘。通志

紅袍神

明宣德間。崇善縣土官趙暹。興兵入寇。千戶趙欽。鄭忠。率軍拒之。時見群鴉飛鳴于官軍之上。賊弗戰而退。私詢其黨。云爾兵既來。何以怯敵。彼曰。時見紅袍神于空中。群鴉導之。故怯而退。識者以為有神助云。通志

蠱吐活魚

正統間。吳江周禮。行貨廣西。思恩有陳氏女寡。返在室。贅為婿。凡二十年。有子已十六歲矣。禮忽思婦。妻不能止。寘蠱食中。禮不知也。因令其子隨之。默囑曰。若父肯還。則與醫治。因授以解蠱之法。禮至家。蠱發。腹脹。飲水無度。其子因請還期。禮曰。吾亦思汝母。奈病何。稍瘥。即行矣。曰。兒能治之。即反接禮於柱上。禮告渴。以瓦盆盛水。近口傍。欲飲。則掣去之。如是者。亡慮數百次。煩劇不可當。遂吐出一鯽魚。撥刺尚活。腹遂消。蓋蠱中多有年限。月之蠱。稍踰期。則毒發不可救。故寡婦號鬼妻。人不敢近。旅客娶之。多受害焉。黃翰雙槐歲抄

彭將軍祠鬼

成化間宜山諸生章麟與數友宿齋中。夜半忽失去。而門窗闕鎖如故。徧求亡所得。越三日。於都指揮彭瑛塾寢得之。數日始蘇。語云。是夜有二鬼。拽之從窗樞出。過雉堞堞眼內。出城入彭將軍祠。置我於案。鬼不知所之云。慶遠府志

鬼姑神

南海小虞山中。有鬼母神。一產千鬼。朝產之。暮食之。今蒼梧神有鬼姑神是也。虎頭龍足。蟒目蛟眉。其形畏人。趙彥衛睽車志

李令公廟

世之妖怪。往往依古廟以求血食。如蘇浙之伍相。奴桂林之卓望。吾郡李令公廟之獨脚虎狼。蓋酉陽雜俎所載野叉之類。李令公者。宋時李鈴轄。有功於民。廣右所在祀之。夔依憑其間。俗號獨脚虎狼。嘗擲瓦礫以懼愚民。祀之甚於祀先。列旌甚盛。曾記幼時見人說此物淫一武弁婦。其志即若昏迷。見其物火髮豎耳。青面巨唇。牙出唇外數寸。張口則洞見其喉。一足行則雀躍。在其家數年。婦病乃移河池。所避之物亦隨往。婦竟以此殞生。近時又一妖居士人家數年。小婢輩恒見之。長者不見也。云戴東坡巾。衣白袷。美髯白皙。頎然如玉。自稱馮四主人。命小婢房中取棋檯。其物見

之怒奪小婢驚走蓋已變化非復本形醜態矣至今尚然。月山叢談

長人

河池州近山地牧童十餘人聚而戲或歌或舞或吹笛情方洽忽見山半一人約長二丈面潤三尺餘長倍之披髮鳥喙背有二翼俯觀群童為樂嬉然而笑少間垂舌長過腹群童大驚皆反走其人能夸語連呼曰合合合音各勿驚勿去仍歌舞吹笛以樂令群童復聚吹笛歌舞焉其人喜拊手大笑聲震林樾已而復垂舌如故久之乃去遂不復見正德中張吉山方伯烜為庠生時親見其事。月山叢談

二媵人二蛇

慶遠衛都指揮戚鋼守河池所日嘗語人云思恩縣近村山林中樹杪有二人約長一尺五寸武人裝束白竹纏區屨度枝過樹如履平地村民觀者相去僅丈許容色甚和若有意捕之則在樹杪不下急之即行如飛去而復來者數月又趙村一日有二人牽二蛇入人家繫於樓下登樓索食主人見其服飾異常炊食之食畢下樓解蛇叱而鞭之化為龍各乘其一騰空而去。月山叢談

石工言嘗入深山中。覓石峰售之。偶登靈川界內一山。檢覓之間。忽見一洞內光耀如月。就視之。洞口甚狹。僅容一人。內廣亦不逾數丈。而乳石纍纍下垂。不勝數。交映有光。可手而探也。因回呼其侶。欲共採之。忽白氣一道自洞出。為其所衝。倒地昏暈。不省者久之。遂迷不復見。有洞處氣猶漫亘山谷。久始散。石之精華所聚。宜亦有神阿護之也。嶠南瑣記

養虎致死

馬鳳。容縣所千戶。嘉靖間。以勇敢雄於時。佃人獲虎子。歸之。羈以鐵索。畜馬時。市猪牛肉。啖之。閱兩三年。虎稍馴。且長。鳳踞卧廳事。呼之。舞則旋轉跳躍。鳳偶夜醉歸。虎候於門。鳳叱虎。虎怒。奮爪傷其面。家欲殺虎。虎懼。挺走山中。越數日。鳳以傷死。既葬。虎時卧塚上。瀕去。則徘徊如不忍狀。梧州府志

火箭

火箭總無形迹。只用口呪手訣。暗以射人。為其所中者。痛楚難當。急則立仆流血。而死。慢則隔日。頭目腫裂而殞。其法最為秘傳。故妖者常學以報仇。惟身帶黃金可避。

養利州志

神為虎

總兵趙輔征廣西時多虎出飲溪中輔引弓射之中一最渠者虎逸去明日遷卒於古廟見所主之神被箭箭在脇間趙以為神令新其廟事見客座新聞西事

誠虎文

楊叔寶為荊州幕時虎傷人楊就虎穴摩崖大刻誠虎文其略曰嗚呼爾虎出境潛游云云後改官鬱林州以書託知軍趙定敵虎文數本言嶺俗獷悍欲以化之荆門如教遣人往撮次日鄉耆申摩崖樹裡大蟲出斃殺打碑匠二人遂止以耆狀報叔寶西事

吏化虎

劉欣期交州記龍編縣功曹左飛化為虎還復為吏南

蛇異

嘉靖初慶遠府署守宿者見一長人驚怖群呼移時乃去尾之徐行入右江道古榕樹下遂不見次日知府王顯高親至見樹大十圍陰廣數畝諦視榕根有竅出烟如縷乃令人伐樹得巨蛇十數殺之怪遂絕慶遠府志

菖蒲酒有毒

藤州民某家有五口。二壯者。二童穉。一嫗。值端陽節。飲菖蒲酒。皆極醉。頃之。迷悶昏地。嫗及二穉俱死。壯者氣尚勃勃。藥之則痰涎壅塞不能下。逾半日亦死。人謂蒲下必有毒蛇穴。處發之無有也。識者曰。菖蒲極熱酒。又熱。皆有厚毒。恣意多食。焉得不死。壯者氣方盛。故遲之爾。予謂炎方暑候。火氣熾然。飲蒲酒太過。如火得膏。熏炙悶鬱而死。固其宜也。西事

魚菌殺人

永福羅錦神山頂池中。忽生鯉魚。居民取而食之。隨發吐瀉。死人無算。永福縣志下

永福毛峒里四里村。四月內池上生菌。大如盤。人採食之。其味頗甘。亦死人無算。

關繼高

關繼高。蜀人。為部郎。隆慶初。謫丞鬱林署篆。百廢俱舉。一緡紳夢玄武神語曰。若為我告關公。今轉某府二守矣。緡紳以告。關疑其誕。旬日果得報。關大異之。捐俸廟神於州之後山。民徼福者。歲時糾農設壇醮。鐘鼓鏗鐃。男女雜遝。有善相地者曰。州治龍自東北入城。此山為州後。宜靜。廟當亟遷。且神武像也。將兆兵。已興業有永平之

役梧州府志

雷誅不孝

曾蠻宜山人。事母不孝。母食。母惟少與之。母常不得飽。歲時祭享。肉雖多。皆不與母。日與其妻罵詈。甚至笞之數十。母溺愛。忍受之。嘉靖間。一日風雨驟至。雷火焚蠻居室。左右鄰俱無恙。母髻掛一芭壁。芭盡灰。髻獨無恙。蠻夫婦懸半空中。髮直上。所居地裂一縫。雷物似猪形鑽入裂中者不勝數。須臾雨止。蠻夫婦墮昏倒。本府以其事聞。禁數日。方死。慶遠府志

藤縣民

藤縣民某。失一雞。疑為鄰婦所攘。疾聲罵詈。侵鄰婦。鄰婦憤恚自縊。死數年矣。民偶過一處。見有野蠶吐絲樹間。往欲覓一物收取。忽見鄰婦馳來罵之曰。汝何得盜吾繭。民驚懼仆地。少頃甦。婦使人往覆之。則鄰婦所埋處也。越數日其人死。西事

電異

萬曆辛亥春三月。邕州雷大如斗。城中屋瓦皆盡。無一存者。是日陳憲僉顧輜車飲於敷文書院。席上盤盂盡碎。役人避去。二公立簷下。有塵板處。予冬月行部至邕。望

坊樓上殘鴛半漏時見天光屢疑是積雪未消嶺南瑣記

張德威

明萬曆初宜民有張德威者惡著於鄉官莫能制威偶變舉動為驢狀引刀自刎其股曰上帝懲我惡以戒世人也遂為驢鳴以覺通志

吳繼憲

明末屢遠盜亂有紳吳繼憲為僮賊張安所害安逢過憲喝曰張安何往急歸安居品舉家十數口閉崑自焚而死通志

銅鑼材

興業縣治石山之顛有石圓如銅鑼响則石馬嘶石人喊土人遂叛萬曆七年木頭峒狼人叛魏應文討平之厥後石被雷轟宛然銅鑼因名銅鑼村通志

青蛇使者

三界廟一名青蛇廟廟有小蛇背綠腹赤穴神衣袖饗神飲食或以手接翫之甚馴倘有虛誓冠祈家數百里蛇輒至為其人索願其家為蛇掛紅刻日賽之呼曰青蛇使云按三界姓許平南人采樵得一衣輕如一葉上下無縫帶內有回字能召風雨

知來物播術聚衆弘治中制府逮至覆以洪鐘環以積薪晨夜煨之發之無有也仙衣所披僅乃得免余先一日與袁元約趙平筭談青蛇之異余謂青蛇必金精也昔先師純陽詩云朝游北海暮蒼梧袖有青蛇膽氣粗三醉岳陽人不識朗吟飛過洞庭湖此時三彭雖靖一氣未降及參黃龍頓超圓覺銖衣蛇劍棄若浮烟辱於非人有弗顧也夫君子藏器於身待時而用漫藏誨禍亦何神之靈而青蛇有知必不拳拳於茲廟也二客稱快次早入廟取酒酌蛇羣若媿匿深穴於神座之下以大燭之得寶劍一函翠色欲滴是夜二客夢一綠衣少年與余結佩後青蛇遂無有見者

狐妖

校邕時以左江道為文場道深邃旁有亭榭園池林木茂密業已堵塞予與書吏俱入居籌邊樓下一日晚堂畢隸人云每薄晚有人擲瓦石入詈之則愈甚予視之累累積瓦上因詢于振者答云此去外路甚遠遂不復問又一日閒步出聞闔者房內有伐樹聲因取鑰啟視之闔者見有物如犬而其大黃色每來則伏此處竹樹間撼門入亦盜食食物適來逐之越牆去尾大如帚伐去竹樹或可莫不來爾蓋狐已為

妖而土人未之知也

嶺南
瑣記

山魃

山魃者。嶺南所在有之。獨足反踵。手足三肢。其北好傅脂粉。於大樹空中作窠。有木屏風。帳幔。食物甚備。南人山行者。多持黃脂。鉛粉。及錢等。以自隨。遇雄者。謂之山丈。遇雌者。謂之山姑。必求脂粉。與者能相護。唐天寶中。北客有嶺南山行者。屬夜。懼虎。欲上樹宿。忽遇雌山魃。其人素有輕齋。因下樹再呼山姑。樹中遙問。有何貨物。人以脂粉與之。甚喜。謂人曰。安卧無慮也。人宿樹下。夜中有二虎。欲至其所。山魃下樹。以手撫虎頭曰。斑子。我客在。宜速去也。二虎遂去。明日辭謝客甚謹。其歲中每與人營田。人出田及種畬耕地種植。並是山魃穀熟。則來喚人。平分之。性質直。與人分不取其多。人亦不敢取多。取多者。遇天疫病。陳繼儒虎營

木客

平樂縣西七十里。有紫山上。多有

有木客。形似小兒。歌哭衣裳。不異於人。而

伏狀隱

宿至精巧。時市易作器。與人無別。就人換□□□□□今

昭州平

樂縣。冷聞記

木客形如小兒。予在恭城見之。行坐衣裳。不異於人。出市作器。工過於人。好為近體

詩無烟火塵俗氣。自云秦時造阿房宮。采木流寓於此。余嘗見其賦。細雨云。劍閣鈴
逾動。長門鏡更深。又云。何處殘春夜。和花落古宮。按唐詩。酒盡君莫沽。壺乾我當發。
市城多舊屋。還山弄明月。木客所作也。蘇長公云。山中木客醉吟詩。然則詩學淵源
其來遠矣。余家羅浮。有鳥各為一色。五色畢集。必兆嘉客。鳥名木客。與此不同。赤雅
下同
按志載。虔州洛山。有木客鬼。其義未詳。聞紫山之顛。有怪物焉。木客方飲酒。歌吹樂
甚。忽見一人。長二丈。有奇。面濶三尺。髮鬚烏。喙皆有肉翼。俯觀樂器。嬉嬉而笑。垂舌
至地。木客大驚。欲走不動。其人溫語之曰。儂非能傷人。能察歌舞耳。木客神定。歌舞
復作。其人拊掌大笑。聲振林樾。垂舌嗒嗒而去。

平樂了鬢山。高二百餘丈。險不可躋。相傳舊有物。形似小兒。行坐服食。不異於人。時

出市易什器。市人呼曰木客。蓋山魃也。

平樂府志

顧況紀秦時建阿房宮采木者。偶食黃精。天蒜。不覺竦身飛上。就山下人家。裁詩酒
盡。君莫沽云云。今平樂志所載紫山木客事。蓋附會此說。余昔在昭州。常詢之陶偉

西明府云。少時聞父老言。曾有人見之。今久不聞矣。

張七澤樞
雜佩

屈亞石重生

崇禎初。增步屈亞石。年十六七。為人傭。至廣西病故。客歸其柩。時已兩月。至肇慶府。厥官黃某。夢有報之曰。明日有私貨。宜詳察之。厥官囑把水。見一棺。報曰。無別疑。惟一棺耳。官令開驗。客立止。益疑之。既啓棺。有一人卧其中。目尚轉動。詰其商。必謀殺者。神故為預告之。急用湯藥飲之。次日能語。自陳病故。死見閻王。謂誤捉。當某年某月。死責鬼卒放回。非商謀殺也。曾見閻王簿上。有三妻。一李。一楊。一王。初貧甚。不意後果驗。張穆異聞錄

空中兵馬

廣西太平府。有高崖數里。現兵馬持刀杖。或有無首者。舟人戒勿指。有言之者。則患

病。異聞錄

飛來鐘

廣西鎮安土司。有白銅鐘。飛來水畔。官懸之東樓。現存。異聞錄

粵西叢載卷十四終

西粵靈芝

清 汪森編

宋太平興國間。象州文廟芝草生。產三莖。五彩俱備。舊有靈芝記。通志

下同

大中祥符間。詔天下造天慶觀。昭州守蕭公卜地於城東二里。建之。觀落成。靈芝生。祥光見。蓮花生並頭。一時有三瑞。因繪圖獻。秘書省校書郎傅營作三瑞圖頌。

元豐元年。秋八月。昭州資壽寺芝草生。

宋史

紹興間。靈芝產於賀縣甌山下。人以為兆范祖禹之來也。通志

下同

元末。蒼梧芝草生。在呂仙像指間。未幾而明一統矣。

明洪武年間。賀縣靈芝生。永樂年間。又生。人以為周張發解之兆。

成化六年。蒼梧紫芝生。時三本。占有太平兆。明年果開三府。都御史韓雍作軒有記。

成化十三年。全州有芝。產於文廟右楹。

嘉靖十三年。西粵藩臣許應元進芝二十本。其色有赤白青黃黑紫。徑至尺八寸有

光者有輪菌如山岳者。上命採芝令於玄嶽龍虎三茅齊雲五岳諸靈山採之。遠不能及。余游都嶠。見靈芝生于石上。九莖綠葉朱實有光。未傳服食之方。終不敢採。赤嘉靖三十四年。梧州府有靈芝。生于梧山書院。通志

紫泉

宋淳熙十六年。鬱林紫泉出。通志

廣西貴縣縣南鬱江之旁。有紫泉無源。偶現紫色。輒符佳應。自是邑人每候以為祥。洪武元年十一月己未。泉出溢流于江。其色深紫。光潔可染。時葉琛勅諭交趾。州守鄒天奇為之頌。又云。其水有兩派。共出其出不常。出則有異應。自縣門流下者。必擢賢守令。或出英俊。縣上流下者。應在僚屬。其水長而狹。色如紫練。一統志下同紫泉在鬱林州南二里。舊名濯纓泉。忽變紫。改今名。

橫州學前西邊有一穴。每遇科舉歲。春分前後。微雨時。有紫水一道湧出。須流過學前。則中舉人必多。如不及者。止可一人。有歲直至州城門外。其年中舉者六人。

明天順六年。賀縣桂嶺鄉大龍塘。水流盡紫。其色光輝照耀上下。經旬不變。是歲大兵征其鄉。俘擄寇數千。流水皆赤。人以為紫泉凶兆。按是年平桂嶺。時明孝穆太后

方十歲將臣以幼女津送京師。選入大內。後誕孝宗。始知紫泉之兆為非常云。
萬曆十九年五月。博白縣登高嶺。左小河流紫水。士民觀之。七日而止。

鳳見

吳黃武四年秋七月。蒼梧鳳凰見。

通志下同

南漢時。邕州鳳凰見。時王弘澤鎮邕。有善政。

宋景德元年夏五月。白州三鳳見。飛自南來。入城中。羣鳥旋繞隨之。至萬歲寺前。棲於百尺木。龍樹身長九尺。高五尺。其羽文五彩俱備。冠如金杯。

文獻通考

大中祥符元年。象州鳳凰見。其羽備五彩。羣鳥皆從之。翔集城東。倚錢嶺。忽飛去。其地湧出一泉。味甘美。土人呼泉為鳳凰井。

元至正十一年。慶遠鳳凰見。時有雙異禽。羽備五采。飛集迷昆鄉。羣鳥千百隨之。蓋鳳凰也。其一飛去。一棲止。為獵人射殺。或藏之。獻於帥府。久而色鮮。玩。

一乳四子

嘉靖二十三年春三月。橫州民陸安妻。一乳四子。勒竹村人。懷娠十五月。生一女三

男。通志

野蠶成繭

宋大中祥符五年夏五月。藤州鐔津縣野蠶成繭。藤州素不產桑。蠶食山柘而成。州人異之。緘絲以獻。通志下同

紹興二十二年夏五月。容州野蠶成繭。

天象徵異

唐泰和四年。慶雲見於賀縣之丹甑山。五彩氤氳。旬日不散。是年李郃來任。因更名

瑞雲山。通志下同

宋開寶七年。梧州大雨。壞倉廩。漂流民居。

成平元年夏五月。昭州淫雨大水。民溺死者五百十一人。

嘉祐三年夏六月。邕州颶風大作。城樓民屋盡壞。幾無留覺。

咸淳十年。蒼梧雨血。著於草木。行人衣服皆赤。

元元統二年二月。太白經天。猺寇陷賀州。

至正元年。廣西大雨水。山崩水漲。灘江泛濫。地深二丈餘。屋宇人畜多漂沒。

明洪武十七年。梧州漫天大雪。不殊北方。

洪武三十年冬十月。災。感。犯。南。斗。

宣德九年夏五月。南寧府不雨。郡守李晟齋沐虔禱於天寧寺。以副都統茂淨典厥職。五日克應。黑雲蔽空。雷電交作。甘霖如注。燈燭盡滅。二刻許。雨晴天淨。衆僧見殿前甃上。有月明識三字。非墨非粉。傍有巨人足迹微濕。人咸異之。有碑存。

景泰四年冬。柳州大雪。河魚凍死幾盡。

成化二年。太白曳入南斗。

成化二十一年。蒼梧大雨。漂流民居數萬。推移州岸。城埤幾沒。

弘治二年春三月二十日巳時。賓州忽天色昏暗。狂風大作。自西北起。走石折木。尋驟雨迅雷。大電如雞子。破屋害稼。殺鳥雀。傷牛畜。未時稍止。

弘治甲寅夏四月。柳州暴雨數日。城垣崩塌。幾百丈。公私第宅傾頽。漂流無算。

弘治丙辰春三月。賓州淫雨數日。夏四月。又暴雨。山崩地陷。洪水泛溢。田苗傷。堤岸橋梁歧路盡衝決。近江民居多漂流。

弘治庚申秋八月十一夜。融縣大星隕。約長丈餘。飛自西南。隕於西北。

正德辛未春二月。二夜。博白忽疾風暴雨。城樓多崩。公署民居。倒塌過半。

正德十年九月富川縣雷擊西山崩七處

正德乙亥冬十一月蒼梧甘露降於府學。遍凝於樹。其甜如蜜。十二月五日。蒼藤天鼓鳴。白日中天。大震一聲。起自東南。止於西北。

正德十一年夏五月。慶遠西北方星隕。約長五六丈。蜿蜒如龍。蛇爛燦如掣電。須臾而滅。

秋七月。博白淫雨。公署民居多崩塌。人畜滄死甚衆。凡二旬乃霽。

正德丁丑夏四月十一日。來賓大雨雹。天忽冥迷。風雨暴作。雹落大如雞子。破屋折木。殺鳥雀。遷江縣亦然。

秋七月。懷集大雨水。牛畜多滄死。

嘉靖甲申冬十月。慶遠天鼓鳴。十二月二十六日巳時。西南方天鼓鳴。如雷震地。

嘉靖乙酉夏六月二十六日。象州大風雨。公署城樓。軍民房屋。多倒塌。河船沉滄。死男婦甚衆。

嘉靖十年春二月。全州雨雹如彈。自辰至巳。

嘉靖十四年三月。容縣雨雹。大者如梅。小者如豆。

嘉靖十九年春富川縣雷擊儒學門牆是年毛熙擢魁

嘉靖二十一年壬寅春三月十一日夜三更賀縣忽大風從西而東南颺沙飛瓦古樹大可十圍連根拔起所至有樓板磚砌吹疊成堆者

夏四月全州暴風雨有飛石隕柳山應泉池

秋八月熒惑掩南斗杓

嘉靖二十六年春二月夜風雷摧全州學宮松傷戟門梁柱

嘉靖二十九年六月富川縣白日有聲如洪濤號激自天而下移時聲住雨如注後大旱

嘉靖辛亥正月元旦五更太平府雷震府署枕柳木及盆中滌氣時南寧同知余光署事

嘉靖三十五年夏彗星見於桂林西方

秋七月十四日夕星隕於太平西南光燭戶庭

嘉靖三十六年春橫州大雨雹是日未時州北三十里交椅銀水六村長寨等地忽震雷暴風雨雹大者如米升小者如雞卵有柄有三角至七八角者傷村民牧豎十

餘人。牲畜禽獸無算。車輪苫瓦飄散。竹木枝葉如削。野草擊爛。一室電積注地約二尺許。

嘉靖四十二年夏六月十四日丙午。夜有流星。自桂林東南過西北。光芒如畫。

嘉靖四十三年冬十一月。夜月明。而桂林大雨雹。

萬曆五年。彗星見西方。其長亘天。尾直射月宮。光芒燭天。數日不滅。冬又見。次年大征府江。

萬曆七年五月。北流縣大雨。漂沒城垣民舍。溺死男婦二十餘人。

萬曆十年十月。興業縣大風拔木發屋。

萬曆二十二年。懷集縣春雹。秋旱。

萬曆二十三年二月。容縣雨雹如飛石。秋旱。

萬曆二十五年丁酉春。昭平縣雷發禱星門。是年廖蕭鄉舉。

萬曆三十五年。彗星見。

萬曆辛亥二月。桂林大風忽起西北。天色黃赤。不移刻。冰雹大墜。如碗如盤。壞官署民居屋瓦殆盡。林麓鳥獸死者無算。

萬曆四十二年乙卯春昭平縣城中電。

萬曆四十六年八月至十月。桂林每夜東方見一巨星。長丈餘。空中懸有白氣。形如刀鎗長矛。又如白布。自北鋪南竟天。

泰昌元年九月二十二日。桂林天鼓鳴。天裂閃光如晝。有聲如雷。

天啓二年二月。平樂大雷。連震七次。霹倒鳳凰山大松。

崇禎元年。懷集大電。三年春又電。秋旱。

地震

明天順七年秋七月乙未。象州地震。次年大饑。

通志下同

正德庚午春三月二十七夜。太平地震。夏六月十七夜。梧州地震。震一二刻。其聲隱隱如雷。次日白毛遍地。長三四寸許。

正德七年六月。北流地震。

正德癸酉秋八月。南寧地震。宣化地震。有聲隱隱如雷。來自西北。止於東南。

正德丁丑冬十二月望。太平地震。有聲隱隱如雷。

正德庚辰夏六月二十七夜。梧州地震。

正德辛巳秋九月四夜。太平地震。次夜又震。起於東南。止於西北。

嘉靖十四年四月。容縣地震。大震者二次。是歲饑。

嘉靖三十四年春三月初七日。太平地震。屋棟有聲。

隆慶六年。武緣縣地震。

萬曆二年七月。朔懷集縣地震。望日又震。

萬曆十四年十二月十八日。平樂府地震。瓦房俱響。

萬曆二十六年。桂林地震如雷。

萬曆三十二年夏五月二十八日亥時。桂林地震。六月初四日再震。八月二十六日

亥時震。十一月又震。

萬曆三十三年。容縣地震。自西至東。聲如霹靂。是歲穀價騰湧。

崇禎八年五月。平樂地震。河山響如雷吼。

崇禎十二年五月初八日。桂林地震有聲。

山崩地陷水溢

宋元豐八年春二月甲戌。賓州嶺崩地陷。宋

元至元二十七年。靈川大藏山石崖崩。通志下同

至正七年四月。靜江山崩。水湧。離江溢。

至正九年秋七月。靈川臨江石崖崩。

明永樂二年夏五月。陽朔大水。蛇龍羣作。山谷成淵。

成化十八年春。陽朔大水。壞屋百餘。城崩殆盡。

嘉靖元年夏五月。全州大水。萬鄉四郡。山崩水涌。陷田數百頃。陽朔大水。五日不消。

人遭溺甚衆。七月。蒼梧大水。漂民廬舍萬餘。

嘉靖四年冬十二月。都司地陷。大門左旗毒廟前。忽有聲如雷。陷地一穴。濶二丈五

尺。深一丈。次日離前穴三丈許。復陷一丈。濶二丈。深二丈。有青氣一道。上衝數丈。良

久始散。

嘉靖八年。陽朔縣邑山崩。白面山崩。壓死民人張鳳銀妻女三口。屋宇牛羊俱碎。

嘉靖十四年夏五月。武緣縣大水。沒城崩岸。民大流殍。蒼懷大水。漂廬舍千餘間。沒

城郭。人多乘舟筏至岡壟。田廬蕩壞。

嘉靖十六年夏四月。全州大水。城圯者半。大傷田稼。平樂府水漂室廬。害稼。五月。恭

城水溢入城。田稼浸沒。民大饑。蒼梧大水。東南民舍盡沒。

嘉靖十七年秋。武緣縣大水。漂流民舍。委積如山。

嘉靖二十七年夏六月。全州萬鄉四都山裂水三道。汎衝民屋。土田成河。

嘉靖四十三年。龍隱山崩。

隆慶五年。布政司地陷。是歲獨秀山崩。石約一丈餘。

隆慶六年夏五月。大水。堯山崩。懷集賀縣大水。漂沒民舍。六月亦如之。

萬曆六年春正月。臨桂東鄉冷水村地崩陷。震聲如雷。周廣約十丈。深不可測。

萬曆十四年三月。懷集古城大水。岳山麓崩。魚鼈盡絕。人涉水多生疽。七月。梧州城

大水。南門城內水高一丈五尺。廬舍田禾盡遭淹沒。蒼梧漂民舍八百一十六家。藤

縣二百四十家。鬱博北流皆受水害。官發穀賑之。

萬曆四十三年七月。恭城縣墊江山崩出蛟。平樂河水暴漲。魚死塞江。水不可食。民

掘泉取水。

萬曆四十五年八月。恭城縣雨下如注。山澗水湧。連崩一十三嶺。

天啓七年五月。三江大水。漂沒民房甚衆。

崇禎元年七月宣化縣大水灌城丈餘近河民舍漂蕩殆盡
崇禎十七年興化縣葵山脚崩百餘丈

地浮光

嘉靖四十二年冬十月靈川日未出地浮白光既出見青輪高一丈復常明通志

石吐烟

萬曆十七年七月博南縣治南五十里有獅子石吐烟幾與雲參移時而止通志

植物祥異

南宋大明七年正月乙酉鬱林珊瑚連理生太守劉勔聞於朝宋史

宋景德四年象州居民園內芥菜生蓮花通志下同

元豐間橫州大理丞梁世基宅生連理荔枝神宗有御製詩

元至順間象州雲錦橋北池中白蓮產雙頭是歲大稔

明永樂中南寧宋村嘉禾生禾結一大實如雞卵好事者以金飾為酒盃故老有及

見鄧揮使所後失所在

成化元年夏五月武緣縣泮宮生並頭蓮是年姚惠梁廷器領鄉薦人以為瑞蓮之

應。

弘治己酉夏間。太平儒學內月池蓮生並頭。是秋蒙斐顧真同薦鄉試。其先兆也。
弘治十四年冬。灌陽縣竹生豆角。楓結梨實。

正德十四年六月。富川縣蓮塘村。開並頭蓮二朵。是年張惠舉於鄉。

正德十五年。富川縣楓樹結梨實。

嘉靖二十三年。富川縣竹結實如米。其年饑。民採而食之。

萬曆九年辛巳。賀縣重修三乘寺。寺後一柿木。大尺餘。沙彌斧之。忽兩開。中有用力
不同四字。兩邊俱有字迹。眾異之。白於縣而貯之庫。

嘉靖十一年。懷集縣桃李四季有實。

萬曆七年。懷集縣一禾二穗。

崇禎十一年戊寅。恭城縣禾穗兩歧大豐。

崇禎十六年夏五月。賀縣城內陳侯祠前榕樹。大十餘圍。忽枝上發赤紅蘭花二朵。
大如掌。是年冬月。土寇作祟。破城奪印。後三省兵勦平之。

慶遠災兆

府境初昏或半夜將旦時有星大如杯光焰紅赤吐芒曳尾自半空飛下凡所落之地必有回祿之災俗謂之火殃蓋熒惑之變也慶遠府志下同
初昏時西南上有星色白而吐芒焰俗謂之賊星又曰偷牛星凡所見之歲峒蠻必叛蓋撓搶蚩尤之變也

府境內或陰暝彌月霖雨霏微日出無光月見復昧氣象愁慘皆兵象也不逾時即有峒蠻之亂

境內春夏間或大霧暝迷咫尺莫辨人物須臾為風掀而日色清明則主旱或野草遍為蟲蝕狀如火燎或絲瓜藤逐節結核狀如木癭皆旱之兆

境內或有赤蟻長半寸許生翅而飛時觸人面目或羣撲燈火主大水之兆
若春間田螺感產亦主是年有水

瑞兆

嘉靖五年十二月十一十二日嚴霜成粉池水皆米人皆以為瑞慶遠府志

銅鼓灘占休咎

銅鼓灘其聲轟轟如雷或如火炮作戰鬪聲游魚皆驚懼古讖謂水乾至烏口當出

狀元郎後唐同光中水乾出邑人梁嵩果登進士第一

西事

銅鼓灘聲流細細則民居安轟然而震則有火盜平南將軍灘亦然

潯州府志

漱玉泉禱雨

白石山漱玉泉歲旱鄉人齋沐鳴鐘禱之則泉水傾注可灌田

潯州府志

登仙崖占休咎

登仙崖時有聲聞鼓吹則民樂歲豐聞戰鬪則民疲兵起潮水泉水盈涸不時邑人

祀以下歲

潯州府志

佛像動

嘉祐中邕州佛寺塑像其手忽振動晝夜不止未幾交趾入寇城幾陷其後又動而儂智高反圍城卒陷之屠其城熙寧元年又動郡守錢師孟知其不祥亟取投之江中遂無他異

葉少蘊避暑錄話

邕州交寇後城壘方完有定水精舍泥佛輒自動搖晝夜不息如此踰月時新經兵

亂人情甚懼有司不敢隱具以上聞遂有詔令置道場禳謝動亦不已時劉初知邕

州惡其惑眾乃俾像投江中至今亦無他異

沈括夢溪筆談

妖青

嘉靖三十六年冬十月。南寧有妖青。其妖未審何物。傳自北地而來。歷江西及廣東。遇夜入人家淫穢。或如星。或如蝠。或如猴。如犬。或有黑氣。似有尾爪。能傷人。淫者當之。輒流黃水而斃。家家夜聚擊鑼鼓。持竹柳枝以防之。來則聚擊之。則散為星火。頃復堆為一毬。衝簷而去。至三十七年二月。復轉至州境村鄉。騷擾如前。數月乃熄。南寧

府志

西志多載嘉靖丙辰間黑青之說。此事自大江以南。皆被其惑。相傳有黑氣入室。或為飛蟲。鳥獸間。蹇蹇有聲。遭者輒迷悶不省。擊之則火。光迸散。旋復合成一火毬。衝簷而去。氣感者力與之搏。若損皮膚。流黃水不止。則死。用兵仗刺之。即反自傷。又云。其至必先作硫黃氣。或如燒布絮氣。予往聞之。親中其害者。云見陰雲中擁一馬首。向鼻間旋繞數四。細聲作人言云。馬騮精。人所為。馬騮精。人所為。遂昏迷久之。聞鑼聲始覺。又云。郡中捕得一道士。用馬毛數莖。燃結吹入人家門內。其怪便作。不敢寘之法。止逐之去而已。然患亦隨息。按嘉隆間見記。妖人馬祖師流寓湖之烏鎮。民沈松家。以幻術惑眾。有物如蝴蝶。入人家。變幻飛走異狀。擊之則刀杖傷人。夜魅魔人。

至死其黨。毛峯等數十輩，誘惑愚民，約以九月甲子起兵。事洩，參政劉燾督兵擊賊，追及南潯，盡殲之。獨祖師以術逸去。事在丁巳九月。此妖蓋其黨分之四方惑眾者。粵右民尚鬼，宜其為害獨甚也。西事瑣

龍見

吳永安四年，布山白龍見。

通志下同

唐龍朔四年，龍降於靈川。時縣西山風雨雷電七晝夜，既霽，山腹洞貫成崑，廣百餘尺。崑中石壁皆印龍鱗。溪水從崑流出，可通舟楫，而舊溪為平陸。

元至正間，興業縣南十里村民見一馬從石中出，食草。居人撲殺分食，惟一老姬子婦三人不食。是夜雷雨大作，電光中，人見蒼龍從空中下，其姬驚仆，覺有人喝曰：「急出，無顧家。」母子遂出，上小山，困極，立化為石。其村遂為大池，人呼曰馬塘。

明嘉靖五年二月，容縣大水連漲數日，水退，見兩岸龍車軌迹。

嘉靖戊子，宣化縣龍見。

嘉靖壬子春，宣化縣飛龍見。

萬曆二十二年甲午夏，昭平縣蛟起明源江，化為龍。

萬曆四十五年丁巳八月初四日。恭城縣陰雲密布。雨下如注。山澗水湧。連崩一十三嶺。樹木拔折。緣江鱗介之物。死者無算。巨木散材。河涯堆積如山。人云有蛟龍出焉。

萬曆四十六年夏六月。恭城縣諸溪不雨而漲。伸家廖洞。傳有龍鬪。日夜不休。山水若決。率皆泥淖。

泰昌二年四月。龍池井出神龍。大雷雨。

虎害

宋淳化元年冬十月。桂州有虎害。時州民多罹害。聞於朝。遣使祛之。通志下同

正德丙子。至嘉靖。太平有虎害。白晝當道。雖百為侶。亦被傷啞。人見一白額禿尾者。不畏兵器。傷人尤多。

正德丁丑。慶遠府虎入城為害。廂鄉之民。死於虎者尤多。

嘉靖十四年夏五月初五日。有虎入太平郭。白晝不去。居民殺之。十五日虎又入郭。不去。民又殺之。廿五日虎又入郭。民悉殺之。三虎相繼入郭而亡。

嘉靖十五年八月。興業縣猛虎為害。民禱於城隍。七虎斃於一日。

隆慶五年六月。龍隱山白晝獲虎。

萬曆元年。融縣清流鎮南寨一帶村鄉。虎出害人。數年乃息。虎三五成羣。途間數十人行。就中搏一人而去。置之復來。逐取人。晚踰垣升屋。晝於村候。搏噬無虛日。時倉官莫養經置鎮建醮禳之。錄被害者附醮壇薦度。已得男婦老幼三百餘。又數年乃息。不啻千餘命矣。厥後數十里田荒人竄。村落丘墟。

萬曆十五年。長安鎮虎災。舊鎮上樂極村男婦幾五十口。噬之餘十八人。別村未若是酷者。有靖州獵師。至得四虎。其患乃息。融虎傷例。請師人超度亡化。故師巫利之。每誑民此虎乃馮家所放。神虎不可殺。殺之將自及。愚民信之。間有得虎者。奸猾恐以皮不送官。將舉首爾。故益惕惕不敢加一矢。

獸異

唐會昌元年夏四月。桂州有馬生駒三足。能隨羣牧。

通志下同

咸通三年。柳州馬生角。

明嘉靖四十二年秋七月。太平府有熊入郭。居民殺之。其雌後夜至數夕而去。

嘉靖四十五年正月。荔浦縣野鹿入城。

萬曆七年荔浦有牛生兩犢。

崇禎十三年庚辰恭城鄉民獻白兔。

雞異

明正德十五年富川縣雞生四翼。通志

鼠異

明洪武二年三月太平府有白鼠渡江自南而北晝夜不絕未幾頒降府州各衙門

印信。通志下同

弘治十三年九月四日融江水紅黃數日民大疫鼠殺稼。

嘉靖二十四年富川縣鼠數百成羣食田禾竹生實是歲饑。

崇禎丁丑至己卯平樂城鄉鼠皆變為臊鼠身小眼細每二三相角其聲呢呢如蛭吟。

黑螭

唐會昌中邕州黑螭見時李位都督邕州有黑螭鼓江流壞北岸直城南河覆船害

人久乃去。通志

巨魚

嘉靖三十五年七月。太平府有巨魚。長丈餘。出游水面。凡三日乃止。其鯉魚之鬚皆聯於尾。見者怪之。通志